

Universitäts- und Landesbibliothek Bonn

**Hovhannow Sarkawag Vardapeti haġags k'ahanayowt'ean
ew k'ahanayic' ew glxoc' noc'in**

Yovhannês <Ôjnec'i>

I Venetik, 1853

urn:nbn:de:hbz:5:1-12096


Gousoem 3088 (3)

Jeunen 3088

U O P T F

Z U B Y U Y U V F

9




ՅՈՎՀԱՆՆՈՒ
ՍՍՐԿԱՒԱԳ ՎԱՐԴԱՊԵՏԻ

Յ Ա Ղ Ա Գ Ս

ՔԱՀԱՆԱՅՈՒԹԵԱՆ

ԵՒ ՔԱՀԱՆԱՅԻՑ

ԵՒ ԳԼԽՈՅ ՆՈՑԻՆ




ՎԵՆԵՏԻԿ

Ի Տպարանի Մխիթարեանց

1853

3088



Յ Ա Ռ Ա Ջ Ա Բ Ա Ն

Թէպէտեւ ոչ է մեր խնամ կա-
լեալ կարգի՝ բանից կամ ժամանա-
կի շարագրաց յընծայման Սովփե-
րացս հայկականաց, սակայն որ
այժմս ՚ի լոյս ձօնի՝ հատոր Գ, Յով-
հաննու Սարկաւազ Արդապետի
յաղագս Քահանայութեան Ճառ,
պատուականութեամբ իրին և պի-
տոյիցն ճահողութեամբ ներկայումս
վիճակի աղգիս, գուցէ ինքնին և
ղնախաղասութեանն պահանջէր ի-
րաւունս : Այսպիսի իմն իրաւունս
ստացեալ ունի գրիչն այն սքանչելի՝
ի կաճառս բանագրաց և իմաստնոց,
ոչ միայն իւրոցն եւեթ ժամանակա-

կցաց , այլ իշխեմ՝ ասել՝ թէ և հա-
մօրէն դարուց դարու թեան , և ազ-
գայնոյս և արտաքնոց : Քանզի հո-
գւոյ վիճակեալ վսեմականի և մտաց
ճննդական , սա էւ ազգիազգի մա-
տեանս յօրինեաց , էւ յամենայն ոճ
և յարուեստ՝ քաջ և ճարտար հան-
դիսացաւ , որպէս և վկայեն հան-
դիպողք բանից նորա . զորոց և մեր
յիշատակ արարեալ է այլուր ու-
րեմն * , ուր և զցանկացողսն ծանօ-
թու թեան՝ առաքեմք : Աստանօր
զայս մի ինչ յաւելեալ 'ի յուշ , զի
սեփական տիպք հանճարոյ Սար-
կաւազայ են , վսեմութիւն մտաց
և բանից արդարակ դատողութեամբ
հանդերձ . քան զոր արդարեւ չիք
ինչ ցանկալի և հեշտացուցիչ բա-
նասիրաց . բայց միայն զի ռամկաց
և համբակաց՝ սա բազում ուրեք

* Բազմավէպ , Հատ . Ե . 214 .

անհաս գտանի , վասն ընդ բարձրա-
թուիչ մտացն թեւս՝ կամեւոյ լծա-
կցել և զոտս բանիցն . որով և չիցէ
զերծ 'ի սողտանաց , զի մանուածոյ
կարգուածով խօսից՝ նսեմացուցա-
նէ իմն զվեհունակ իմաստիցն պար-
զովթի , որովք դերազանցէն թերեւս
զամենեքումք մերովք նախնեօք ,
և ընդ պղատոնականն աթուակցի
արժանապէս : Բայց ճառս որ արդ
ընծայի՝ պարզաբան է քան զյո-
ւովս 'ի ճառից մատենագրին . զորոյ
դատաստան և զօգուտ՝ թողումք ըն-
թերցանելեաց՝ և նախ նոցին իսկ՝
առ որս բանքն ուղղեալ են . և ապա՝
վարեցելոցն ընդ նոցուն ձեռօք . և
երրորդ՝ վեհագունիցն այնոցիկ ,
որք ձեռս 'ի վերայ եդեալ՝ ընծայեն
քահանայս 'ի սպաս ժողովրդեան
և եկեղեցոյ . զի և առ նոսա իսկ
վերադառնայ ամենայն գովութիւն
կամ մնաս՝ որ 'ի պատճառս քահա-

նայնց գործիցի 'ի ժողովրդեանն, որ
է բազմութիւն հօտին Քրիստոսի :

Մի միայն օրինակ կայր առ մեզ
ճառիս , գրեալ յԵրզնկա , 'ի
Թուիս 228 , որ Թէպէտեւ ընտիր ,
այլ տայ փափաքել և այլում գա-
ղափարի :

Զհետ ճառիս յաւելումք և զի-
մաստալից յօդուած մի բանի կամ
զնախերգան ճառի նորին մատենա-
գրի յայլմէ օրինակէ :

Յ Ո Վ Հ Ա Ն Ն Ո Ւ

ՍԱՐԿԱԻԱԳ ՎԱՐԴԱՊԵՏԻ

ՎԱՍՆ ՔԱՀԱՆՍՅՈՒԹԵԱՆ



Կարգ իշխանութեան յաշխարհ
մտելոց, և վարչութիւնք մարդկայ-
լինք և կենցաղոյս օգուտք բազմա-
բաշխ և յոքնօրինակք, ունին օրէ-
նըս ըստ իւրաքանչիւր աստիճանի,
աննուազ և առանց յաւելուածոյ
զսահմանեալն մատակարարեալ՝ յօ-
գուտ ընդ ձեռամբ անկեւոցն. սրոց
ջան և փոյթ ոչ փոքր ինչ յանձին
ունել՝ սիրելի և հաճոյ է. որպէս
զի մի ղյարմարականաւն՝ առ ՚ի գոլ
վայելուչ զանցանելով, սրարուանս
ի վերայ ածիցեն անձանց, կամ
տանջանս ՚ի վեհագունիցն՝ յորոց և
նոցայն իշխիցեն : Քանզի արտաքոյ

իրաւանց է և անտեղի բոլորովին ,
 ոչ ըստ արժանի իշխանութեանն
 գնալ կոչմանն , կամ պղերգաբե-
 ըիլ՝ և թերահոգ առ դնիլ յոր հա-
 ւատացաւն հոգեբարձութիւն նմա :
 Ասան որոյ զարդարն ընտրելով 'ի
 խորհրդեան՝ իմաստնագոյնք 'ի գը-
 լուխս կացելոցն , զի մի հասարա-
 կացն կորիցէ շահ և օգուտ , զաշ-
 խատութիւն տաժանելի և դժուար
 ըմբեր անձամբ ընուլ առանց դան-
 գաղանաց , ոչ ծանր ինչ կամ ան-
 պարտ և անարժան գրեն . և զի ոչ
 'ի մարմնոյ միայն մարդ , այլ և 'ի
 բանաւոր և 'ի մտաւոր հոգւոյ կազ-
 մեալ հաստատեցաւ , ոչ արժան
 էր ըստ մարմնոյ ևեթ վերակացու-
 թիւնս օրինաւորիլ սմա՝ առանց
 ինամոյ անձնականի . զի թէ հոգի
 առաւել է քան զմարմին ըստ ան-
 սուտ հրամանին , փութոյ ասլա ու-
 ընմն առաւելագունի անբաժ և ան-
 կցորդ ոչ եղիցի : Ասան զի քահա-
 նայութեան գործաւորութիւն և
 պատիւ , ոչ այլ ինչ քան զտնօրէ-
 նութիւն հոգւոյ առ 'ի փրկութիւն

ունի դիտաւորութիւն . վասն որոյ
 բարձրագոյն և նազելի յոյժ քան
 զանուանին յաշխարհի և ամենա-
 հռչակ ըստ ճշմարտութե է . վասն
 զի թագաւորութիւն ծառայեցու-
 ցանէ զմարմին , և իշխէ նիւթակա-
 նին և ապականացուի . փրկութիւն
 իսկ քահանայութեան յանձն է ,
 և խնամ անմահի և անապականելոյ
 անձին . նոցայն զօրութիւն կարգ և
 հրաման մատակարարութեան , քան
 զստորեւ կացեալ վերջնոց աշխար-
 հիս մասանց զծանրութիւն վիճա-
 կելոց՝ ամբառնալ ոչ երբէք ուրեք
 կարացեալ . քանզի սլատերազմ տան
 ՚ի ծովու և ՚ի ցամաքի . կամ
 վասն հայրենեաց յատակի և փրկ-
 կութեան ազգի , կամ յաղագս զեր-
 ծանեւոյ զօտարաց և վտարանդեւոյ
 յինքեանս : Իսկ սոցա մարմնական
 ինչ շահից դիւրավատնելոյ և եր-
 կրականի ընդարձակութեան վիճա-
 կաց՝ մնասելոց զհոգիս՝ հրաժեշտ
 տուեալ է ամենեւին զհետ ընթա-
 նալ , գոնէ խորհրդօք մտաց . վասն
 զի թէպէտ մարմնով գնալ թուին՝

ոչ եթէ ըստ մարմնոյ կրօնաւորին .
 սակայն և զորս կապեն յերկրի և
 կամ արձակեն , նմանապէս և յեր-
 կնի ունին : Զի թէ զուրուք թո-
 զուցուն զմեզս՝ հայելով յանկեղ-
 ծաւոր խոստովանութեանն ապա-
 շաւ և զըջումն՝ թողեալ լինի . և
 անդրէն ընդդէմ՝ եթէ զուրուք ու-
 նիցին՝ ՚ի խոստարտութենէ անդար-
 ձիցն՝ կալեալ լիցի . որ ոչ ումէք
 տուեալ յըստ աշխարհիս զօրաւո-
 րաց , կամ գաղանաց ինքնակալաց :

Փրկչին մերոյ և տեառն Յիսուսի
 Քրիստոսի՝ ՚ի կատարումն զստուե-
 րականն ածել և զհին իւրով գա-
 լըստեամբն և միջնորդութեամբն ,
 քանզի ոչ եկն լուծանել զօրէնս
 այլ ընուլ , մեծացուցանէ գերա-
 զարդ պատուով և իշխանութեամբ
 զքահանայութե խորհուրդ . նախ
 ինքեամբ ՚ի լինելն մարդասիրու-
 թեամբ ըստ մեզ մարդ կատարեալ ,
 առգողովն և մնալովն աստուած
 ճշմարիտ . վասն զի երևի յայնժամ
 եղեալ և անուանեալ քահանայ ոչ
 ըստ կարգին Ահարովնի , այլ ըստ

կարգին Մեղքիսեդեկեայ. զի և թագ-
 արդարութեան, որսպէս ունի ահա
 անուանդ առակոչութիւն և թագ
 խաղաղութեան, 'ի քաղաքէն Սա-
 ղեմայ ըստ մեծութեան կանխեցե-
 լոյ խորհրդոյն, և է և անուանի,
 այլ և անհայր և անմայր չհամարեալ
 յազգս, որոյ ոչ սկիզբն աւուրց և
 ոչ կատարած կենաց. զի թէ ստուե-
 րակերպ գծագրութիւն այնքան 'ի
 զօրութիւն և բանի արժանաւորու-
 թիւն, մինչ զի ասել. Նմանեալ որ-
 դւոյն Աստուծոյ կայմնայ քահանայ
 մշտնջենաւոր. զնորուն ինքեան իսկ
 զճշմարտութեանն իր և խորհուրդ
 գերամբարձեալ՝ ո՞ թարգմանել
 արժանասպէս և 'ի հարստամիտ քա-
 ջամիտ ուսումն արանց կարասցէ
 ոք. բազում են կացեալ, ասէ, քա-
 հանայք վասն մահու արդեւ լինե-
 լոյ առ 'ի մշտնջենաւորել. իսկ սա
 վասն յաւիտենական կալոյ առանց
 անցանելոյ ունի զքահանայութիւն :
 Տեսանե՞ս զի ոչ միայն 'ի ընուն զան-
 ճառելի քահանայութեան գործ
 կոչեցաւ քահանայ, այլ և այժմ և

առ յապայ յաղապս առ մեզն գը-
 թութեան անբաղդատականի՝ կոչի
 քահանայապետ, յոր ցանկ և ա-
 ռանց յագման պշնուլ անջօք մտայ՝
 հրամայէ մեզ նոյն ինքն որ զայսո-
 սիկ իմաստասիրէ մեզ Պաւղոս խոր-
 հրրդածու. Ուստի եղբարք սուրբք,
 ասէ, երկնաւոր կոչմանն բաժա-
 նորդք. հայեցարուք ընդ առաքեալ
 և ընդ քահանայապետ խոստովա-
 նութեան մերոյ ընդ Յիսուս Քրիս-
 տոս. սլատկառեսցուք եղեալքս
 անուանակիր, և այնր պատարադի
 արժանաւորեալք սպասաւորել.
 մի՛ ՚ի դատաստան անձանց մերոց
 կերիցուք և արբցուք. մի՛ պարտա-
 ւոր լիցուք տերունեան արեանն և
 մարմնոյ, առանց արժանաւոր և
 աստուածավայելուց զգուշութեան
 մերձենալով. մի՛ կեղծաւորեալք
 յաչս մարդկան երևեալ, եթէ ոչ
 իցեմք մաքուրք և կատարեալք, ան-
 շիջանելի բոցոյն և յարարթուն որ-
 դանցն լիցուք ճարակ առանց սպա-
 ռելոյ և մահու: Ոչ ինչ՛ի մերոցն
 զանխլացեալ թաղնու յամենահայ.

եաց աչաց ակնածուին մերոյ Քրիստոսի , և զինչ օգուտ մեզ 'ի մարդկային ստակարծ խաբկանացն գործիցի . ո՞ 'ի բաց քերեսցէ յանխաբաւուրն ատենի 'ի մէնջ զչարաչար սլաշարս , և ժանտագործ աղտեղութիւնս զաստի ամբարեալ բժկանութեանցն . ո՞ և զգժնդակապէս գրծագրեալ 'ի տախտակս ոգոցն զվատթար և զամօթալից դիծսն լուսացէ մեզ՝ առ 'ի լաւագունի և գեղեցկի ընդունելութեան գրոյ :

Այժմ՝ լուսացուք , աստէն մաքրեսցուք . յետ որոյ և վայելեալն յաստուածային և սուրբ Կոհութենէն առանց սողտանելոյ և դատապարտութեան համարձակեալ լինի . տացուք 'ի ձեռն ամենիմաստ գրչին զլուսցեալն և հարթ 'ի խոշորութենէ մտաց զընդելութիւն . զի գրեսցէ զբարիոքն և ամենահաճոյ իմաստս որպէս և կամի , առանց եղծանելոյ միւսանգամ . որպէս զինմին ինքեան քահանայապետին ընտանեգոյն զտեսութիւն՝ և զգործս և զօժման արժանաւորութիւն կա

լեալ և ցուցեալ՝ սլաշժառապէս ՚ի
 կարգ դասու ճշմարիտ և անպար-
 սաւ խորհրդածուացն անկանիցիմք,
 և ՚ի սլարժանս անձանց մերոց ոչ
 երբէք ուրեք հեռացեալ մեկուսի
 գտանիցիմք ՚ի նմանէ. այլ և զառ ՚ի
 տկարութենէ սխալանացն այսպէս
 մերձն գողով և մատչելով՝ աղաչել
 ՚ի կենացս ժամանակի դիւրաւ ըն-
 դունիցիմք քաւութիւն և անյիշու-
 թիւն. քանզի մեծ է ողորմութիւն
 և առաա՛ որոց ջերմութեամբն հայ-
 ցեն. երաշխաւոր մեզ և այսմիկ լինի
 Պաւղոս ասելով. Ունիմք այսուհե-
 տեւ քահանայապետ մեծ անցեալ
 ընդ երկինս զՅիսուս զորդին Աստու-
 ծոյ. պինդ կալցուք զսոստովանու-
 թիւն. ոչ եթէ ունիմք քահանայա-
 պետ որ չիցէ կարող չարչարակից
 լինել տկարութեանցս մերոց, այլ
 փորձ է ամենայնիւ ըստ նմանութե-
 առանց մեղաց. մատիցուք այսուհե-
 տեւ համարձակութիւն առաջի անթո-
 ւոյ շնորհաց նորա, զի ընկալցուք
 զողորմութիւն և գացուք շնորհս
 ՚ի դէս ժամանակի օգնականութիւն:

Բայց տեսանեմ զյոլովս և ՚ի կա-
 մակար մտօք մահուչափ մեղուցելոց,
 որոց և յայտնի իսկ են մեղքն և յա-
 ռաջագոյն հասեալ ՚ի դատաստան,
 ոչ միայն խիստ և անզեղջս բարուք
 կամաց ՚ի խնդիր թողութեան, այլ և
 յանդգունս և անամօթս. զի յա-
 ռաջ գան առանց շիկնելոյ և սրտ-
 կառանաց և առանց երկիւղի, բա-
 ցաւ գլխով առնուլ ձեռնադրու-
 թիւն քահանայութեան: Արդարեւ
 ողբոց և մեծամեծաց արժանի է աշ-
 խարանաց և արտասուաց՝ գործն:
 Իսկ որ կցորդն ամենայօժար կա-
 մօքն եղեւ օտարացն մեղաց, վասն
 արծաթքաղցութեան՝ և նմանապէս
 յանդգնութեան, մատեաւ վաղվա-
 ղակի եգ ձեռս ՚ի վերայ, ոչ նմա-
 տալով հոգի օծութեան և շնորհաց
 ըստ որում կարծեն, ոչ առանց մո-
 լեգնութեան և զառանցանաց, այլ
 յինքենէ ՚ի բաց ընկենլով զոր թե-
 րեւան ունէր՝ յաջողութեան և սաշ-
 տաման կամ շնորհաց, և անյոյս
 առ մեւս անգամ ընդունելոյ, և
 դատարկացեալ ունայն և ամայի

դառնայ գնալ յինքն . յիրաւի ապա
 արմատ ամենայն չարեաց դրեցաւ
 գողարծաթսիրուծիւնն : Որ և զիս
 կարիտվտացին Յուդաս ամենայն
 բարբառովն հաւանեցոյց յանդրգ-
 նել յանսուրբ և յանօրէն վաճա-
 ւըն . և զԳեէզի ծաղկեցուցեալ բո-
 րտուծեամբն , տարագրեալ մեր-
 ժէր յերեսաց և 'ի տեսչենէ սրբոյ
 մարգարէին և աստուածարեւոյ :
 Եթէ ոք հաւաստապէս ուշ եդեալ
 իրացդ՝ ընդ միտ ածցէ ամենայն
 ստուգուծեամբ զանարժան և զաղ-
 տեղի անբնական ախտիդ դժնդա-
 կուծիւն , գտանէ վերագոյն պղծու-
 թեան ամենայնի , և անդր քան զա-
 մենայն տարօրէն դողծս . զի թէ 'ի
 մարմնական իրս և յարտաքին ա-
 տեանս հրաժարեցուցեալ է առնուլ
 կաշառս , քանի՛օն եւս յեկեղեցւոյ
 և մանաւանդ 'ի ժառանգաւորաց
 պարտ իցէ խոտեալ և յամպարշտու-
 թեան գրիլ մասին :

Յոթոր խրատ տայր մեծի մարգա-
 րէին Մովսիսի կացուցանել 'ի վերայ
 ժողովրդեանն արս խմաստունս ար-

դարակորովս որ ատիցեն զկաշառս ,
 գիտելով զի կաշառ կուրացուցանէ
 զաչս համարձակահայեացս . և սոքա
 'ի տան Աստուծոյ կանգնեն կուռս .
 որպէս զի մի Աստուծոյ այլ մամն
 նայի ծառայեցելոց են . և զպար-
 գեւան Աստուծոյ՝ որում ոչ եւս են
 արժանի , ընչիւք ստասցեն և ստա-
 ցուսցեն , ընդ որում և կորնչելոց են :
 Անխրատ և ռամիկ ժողովրդեանն՝
 ոստիկանաց արդարոց և կաշառա-
 տեցաց՝ իրաւունք և պէտք եղեն
 կալ 'ի գլուխ և դատել . իսկ 'ի վե-
 րայ մանկանց և եղբարց Քրիստոսի՝
 հատուք ոմանք և գողակիցք գողոց ,
 զի զայլն լուռ եղէց : Վացին առ
 մեւք շահապք և պարետք , խուզա-
 կըք և հետաքրքիրք պատճառաց և
 իրաց դանդաշահութեան , ծառայք
 արտօրէն և խակամիտ կենցաղոյ , ար-
 տաքսեալք 'ի տանէն ըստ անարժա-
 նութեան անազատոյ և վայելման ,
 որք զուղտս կլանեն և զմժղուկս ոչ
 սիրեն քամել . զարտաքինն ոչ սրբեն
 զսկաւառակին և բաժակի , և ներ-
 քինն լի է հոտով նեխութեան և

գարշեցուցիչ ակտիւ և դժուարա-
 լուացաւ . սպիտակութիւն բռոյ ոչ
 'ի վերայ փայլակէ բնաւ , և զխորա-
 գոյնն եկուլ մահ . դանդիւն և խա-
 ւարն 'ի ներքոյ շրջի , և բուրուփն
 ժահահոտ ասկականութեան . լոյս
 գիտութեան բացամերժեալ է յե-
 րեսաց անգիտութեան խաւարի . ա-
 տեն զտիւ և ոչ շրջին 'ի նմտ , զի ա-
 ճուփն սննդեան , և յանկուփն կա-
 տարածի տիոց՝ գիշերի արուեստա-
 գործեցաւ : Մի տրտմեսցին սուրբք
 և լուսաւորք յեկեղեցւոջ և ուղղա-
 պէս համառօտիչք բանին վարդա-
 պետութեան՝ զայսոսիկ լսել , որք և
 գեղեցիկ կարգօք պայծառացուցա-
 նեն զնա և հովուեն իմաստութեամբ
 Հոգւոյն սրբոյ . այլ զգուշացին մա-
 նաւանդ ամենայն զօրութեամբ 'ի
 դարանակալութենէ օսոխին մերոյ ,
 որ շրջի գոչելով և կլանել խնդրէ ,
 զորս ոչն գտանէ արթուն :

Երկիւղական են հանդերձեալք
 և անյայտութեամբ զօղեալք որպէս
 ծօղակ թռչնոյ կամ որոգայթք այ-
 ծեմանց և այլոց կենդանեաց ազգա-

կցաց նոցա . որոյ աղագաւ խրատե-
 ցաք յամենայն ժամ կալ յաղօթս
 չմուծանիլ 'ի փորձութիւն , այլ
 փրկութեամբ հօրն Աստուծոյ զեր-
 ծանել 'ի բազմամասն և յաղամն-
 ղեալ չարին որսորդական հնարից 'ի
 կամս իւր , ընդխառնեալ և զմար-
 մնոյս տկարացուցողական աշխա-
 տութեանց երկս , յառաւել զգու-
 շութիւն փրկութեան ոգոց . զոր և
 աստուած ազանն գործելով Պաւղոս ,
 ճնշեմ զմարմինս իմ և հնազանդե-
 ցուցանեմ զսա , գուցէ քարոզս և
 վարդապետ այլոց ես ինքն անպի-
 տան գտանիցիմ . և եթէ նա զայս
 գործէր վտան երկբայելի և չարա-
 կասկած մարմնոյս բնակութեան ,
 զիարդ անհոգս լինելով արժան ու-
 մեք իցէ խնամ տանել մարմնոյ , առ
 'ի գրգռութիւն մարտի ընդդէմ
 իշխանականին առաջնորդի անվայե-
 լուչ և անտեղի . և անբան իսկ է
 զվերականգնութիւն ընկալելոց գա-
 ռանց Աստուծոյ՝ տալ զինքեանս
 հանգստեան մարմնականի , և ինք-
 նասէր պարսաւելոյ անձին ախտի ,

զորովայն սրարարելով . քանզի և
 ժամանակ իսկ ոչ ունի յայսոսիկ
 սրարասոյ՝ այր ընարեալ 'ի դարման
 ասնել բազմաց և զգուշանալ նոցա
 առ ինքեամբ յամենայն ընդդիմու-
 թեանց փրկութենէ , ոչ զտունջեան
 և ոչ զգիշերոյ և ոչ բնաւ 'ի սոցանէ
 բաղկացելոց ժամանակաց . Չգոյշ
 լերուք անձանց , ասէ , և հօտիդ յո-
 բում եդ զձեզ հոգինսուրբ տեսուչս :
 Միոյ արուեստի կամ մակացութե ,
 միոյ և այլոյ իրիք գործոյ՝ թեթևա-
 գոյն փութոյ ընդէլեալք և իրա-
 գէտք յորոց և անուանեցանն իսկ ,
 չկամին որոշ ժամանակ 'ի ջան աշ-
 խատութեանն իւրեանց , զի մի ըզ-
 ճչգրտութիւնն կորուսեալ իբր 'ի
 մոռացութենէ կամ 'ի դատարկու-
 թեանն խամութենէ , ծաղը լինիցին
 կամ զրկեալք 'ի շահիցն :

Եւ դու զիարդ որ զմեծն յան-
 ճնեցար շահավաճառութիւն , տալ
 'ի սեղանաւորսն՝ և ընդունել զառ 'ի
 յաւանդողէն բարիոք հատուցումն ,
 և անուն արժանի աշխատութեանն ,
 Խորթեացես հանդատեամբ զա-

ւուրս տեսանել, և այն զի ոչ 'ի միոյ
 կամ յերկուց. այլ 'ի յոլովից ա-
 նուանեալ եղեր իմաստուն արուես-
 տից, նշանակող զըստ նոցայն հան-
 դամանաց ճարտարապետական աշ-
 խատու թեան գործս. Բժիշկ, հրեշ-
 տակ, քաւիչ, վարդապետ, դաս-
 տիարակ, հայր, դայեակ, աւետա-
 րանիչ, հովիւ, զօրագլուխ, մարզիչ,
 լոյս, քարող, տնկագործ, մշակ,
 գլուխ՝ յետ գլխոյն, առաջնորդ,
 տեսուչ, հրաւիրակ, լուանող, որ-
 սորդ, տաճարապետ, հարսնածու,
 հաւատարիմ ծառայ, պահապան,
 գանձակալ, կերակրիչ, մատուուակ,
 զգեցուցանող, նուիրիչ, միջնորդ,
 գատաւոր, հազարապետ, տնօրէն,
 հանդիսապետ, որոշիչ, կամք Աս-
 տուծոյ, պաշտօնեայ, դէտ, ժա-
 ռանգաւոր, կատարիչ, խորհրդա-
 ծու. և այլ միանգամ որովք 'ի
 ձեռն որոց խորհուրդ աստուած-
 պաշտութեանն ընու և եկեղեցի
 Քրիստոսի գեղեցկապէս և քաջօ-
 րէն կարգօք մատակարարի և ամբողջ
 մնայ :

Ե . Արդ որքան սկսեք են քրի-
 տանց զնշանականցս այսոցիկ կատա-
 րել կամեցողաց դիտաւորութիւն ,
 անուանց և բանից և այլոց եւս բա-
 ռից 'ի գիրս կացելոց սոցուն նմա-
 նեաց . քանզի յայսոսիկ գլխաւորի
 քահանայագործութեանն իր և ա-
 նուն : Բժշկել՝ ոչ անարուեստա-
 պէս և թերահմտաբար կամ սղա-
 գունիւ աշխատութեամբ զախտա-
 ցեալ և զվիրաւոր ոգիս , 'ի դժնդակ
 խաճման կամակոր օձին և 'ի բնա-
 ւորականացն և յանբնականացն
 ախտից , զտառապանս յանձն առնը-
 լով՝ երկայնաշխատութիւն , ըստ Պաւ-
 ղոսի՝ անձին զայլոցն համարելով
 զհիւանդութիւնս , այնքան մինչ զե-
 ընդ նոսա դժուարակիր եղեալ սի-
 րով ողբայ . և զամենիմաստն 'ի կիր-
 արկեալ արուեստ՝ բժշկել մատչի ,
 երբեմն քաղցրագունիւք արբուց-
 մամբք դեղոց , որդեակս անուա-
 նելով և վերստին երկունս՝ մինչեւ
 նկարեացի Քրիստոս 'ի նոսա միւս-
 անգամ ծննդեամբ . իսկ երբեմն

զճաշակելիս մտացն դառնացուցա-
 նելով 'ի ձեռն սաստկական բանիցն
 յանդիմանութեան , յորժամ զայ-
 նոսիկ 'ի շահ օգտութեան լինել տե-
 սանէր . և ապա առողջոցն հրամայ-
 էր քաղցրութեամբ ընտրել զշահելն
 յասլաշխարութենէ ապաքինութի
 'ի ժողով դասու : Իսկ յառողջու-
 թիւն գոլով, զանյոյսս և զողջոցն
 պատճառս ապականութեան՝ հա-
 տու սրով 'ի բաց կտրեալ, սատա-
 նայի մատնէ զի խրատեցին, ասէ, չը-
 հայհոյել . և մնացականացն յանախ-
 տական առողջութեան՝ զգուշութե-
 տայր սլատուէր և ըմպելի մշտնջե-
 նալոյ 'ի նմին :

Բ . Հրեշտակ . քանզի քահանայ
 հրեշտակ տեառն ամենակալի է , և
 պատգամք 'ի բերանոյ նորա լինն,
 վն որոյ շրթունք նորա զգուշացին
 գիտութե , Մաղաքիա ուսուցանէ .
 վասն զի հրեշտակք ոչ զիւրեանց
 ինչ , այլ զառաքչին առանց յաւե-
 լուածոյ և պակասութեան պատմեն
 բանս , առանց երկիւղի և պատկա-

ռանաց անակնածապէս , պատրեալ
 հրապուրանօք և ոչ յիմեքէ պատճա
 ռաց . քանզի որ կաշառաց յուսով
 և առձեռն պատրաստութեամբ ,
 'ի մօտոյ անդէն կամ աշառա
 նօք երեսաց շոգմոգէ նենգաբա
 նութեամբ , ոչ հրեշտակ պատգա
 մաբեր այնպիսին և խաղաղութեան
 միջնորդ , այլ մատնիչ բանսարկու
 կոչեցեալ յանուանցն և յիրացն ե
 րևեսցի . և զերաւացին առնուլ 'ի
 ժամանակի ըստ ուղիղ դատման
 պահանջանս վրիժուց , ոչ ոք ասա
 ցէ անպարտ և անիրաւ գող . վասն
 զի ոչ ըստ ակամայ յանցաւորու
 թեան գտցէ ողորմութիւն , այլ իբ
 րեւ զնախայօժար կամօք մեղանչա
 կան 'ի մեծամեծս ատելի եղեալ սա
 տակեսցի , որպէս օրէնք հրամայեն
 արդարք : Ուրեմն զառաւելագոյնն
 ընկալցի մահու դատաստան առանց
 փրկանաց և ողորմութեան . զսոյն
 զայսու յեղանակաւ գործիչ այր ,
 յԱստուծոյ առ մարդիկ բերողաց
 բան և կացելոց գլուխ ժողովրդեան :
 Իսկ հաւատարիմն և աննենգ 'ի բանս

Աստուծոյ՝ զհակառակն այսոցիկ
պատուոյ բարգաւաճանս, վայել
մամբ ուրախութեան յաւիտենա-
կանի ընդ որս կան առաջի Աստու-
ծոյ հրեշտակս՝ հանդիպեսցի:

Գ. Քաւիչ, յաղագս նախանձու
և վրէժխնդրութեան Աստուծոյ,
քանզի և Փէնէեօի կացելոյ 'ի մէջ՝
եղեւ քաւութիւն և արգելաւ մահ-
կամ խաղաղականօքն աղօթիւք ըն-
դունելիովք Աստուծոյ՝ առնլով թո-
ղութիւն սլարտաւորացն, որպէս
Մովսէս, քանզի թէ թողուս, ասէ,
սոցա զմեղս թող, ասպա թէ ոչ և զիս
ջնջեա 'ի դպրութենէն յորս գրե-
ցեր: Ո՛վ անբաղդատականի սիրոյն
առ մեղանչականս, վասն փառացն
Աստուծոյ և ուխտին հաստատու-
թեան առ Աբրահամ, կամ արեամբ
և խնկօք, ոչ որով Ահարոնն և յա-
ջորդք իւր, այլ գառինն Աստուծոյ
բարձողին զմեղս մեր փոսնել 'ի սըր-
բութիւնսն վայելչապէս ամենայն
պարկեշտութեամբ զծերունական
եւս խունկան, ըստ Յովհաննու,

ոսկեղինօք մատուցանելով, բերեալ
ազատութիւն յանցաւորութեան :

Դ. Վարդապետ . որպէս զի որոց
սիրեն մտանել 'ի սուրբն և աստուա-
ծային դպրոց՝ բաւական իցէ տալ
զիմաստութեան գծաւորութիւնս .
ոչ նշանապէս , այլ ոմանց նախկըր-
թականս , իսկ ոմանց զմիջինս հան-
ճարոյն , և այլոց զծայրագոյնն .
քանզի ամենայն մակացութեամբ
աստուածայնով պարտի կատարեալ
գող , զի մի կարօտասցին ծանօթքն
իրիք ծածկեցելոյ խնդրոյ և տըրտ-
մեսցին . և մի ինքն կրել պարսաւա-
նըս՝ ամաչեսցէ այժմ , և ասպա կա-
ցեալ յայնժամ առաջի բեմին
Քրիստոսի՝ տացէ դատ փոխանակ
անգիտութեան առ այլովքն եւս
թերութեամբք անձին :

Ե. Դաստիարակ . զի մի 'ի միում
միայն , այլ և յամենայն իրօ ըստ առ
'ի մանկութենէ ուսմանցն՝ խրատեա-
լէ յարդարութիւն զմերձեցեալսն
'ի Քրիստոս Յիսուս . քանզի միով

կամ սակաւութիւն ոչ կարասցուք կատարեալ լինել:

2. Հայր . սակաւ ոչ անձին այլ որդւոցն գանձելոյ՝ զորս ծնաւն 'ի Քրիստոս Յիսուս աւետարանաւն , և մի զայրացուցեալ զմանկութիւնսն ինքն ատելի եղիցի : Այլ սնուցանելով զնոսա ամենայն իմաստութեամբ և խրատութեամբն հանգիցէ 'ի նոսա և փառաւորեացի , և ստացի անուն բարիոք 'ի տեսողաց զնոսա . քանզի յորդիս իւր ծանիցի այր՝ ասէ գիր . դարձեալ և պարծանք առն որդիք իւր , յայտ է թէ իմաստունքն և խրատեալք 'ի պատուիրանս Աստուծոյ . այլ և 'ի գաւազան սաստի և յանդիմանութեան , յորժամ պէտք իցեն ոչ խնայել , քանզի որ խնայէ 'ի գաւազան՝ ատեայ զորդի իւր . իսկ որ սիրէն ցանկ խրատէ . և առաքեալ Որ մեղանչենն , ասէ , առաջի ամենեցուն յանդիմանեա զի և այլքն երկիցեն . բայց և պարծանք որդւոց հարբ այն պիտիք , յորոց և զբարիոքն ընկա-

լան կեանս : Արդ առ այս գլուխ
բազումք են առակք բանից , բայց
շատ առ այժմ այսքան :

Է . Դայեակ . առ 'ի սնունդ հս.
գեորականին տիոց մանդութեան , և
զջերմն գորովոյ արկանել 'ի վերայ
տղայոցն 'ի Քրիստոս , զգութ կերա-
կրեալ 'ի տկարութե ճաշակելեացն
մտաց : Նախ կաթամբ բանին մին-
չեւ եղիցին յայր կատարեալ 'ի չափ
հասակի կատարմանն Քրիստոսի .
և կրթեալ ճաշակելեացն առ ըն-
արութիւն բարւոյ և չարի՝ բաւա-
կանասցին զկատարեալն ընդունել
կերակուր , և յանձինս իսկ ոչ խնայ-
ել առ սիրոյ նոցա : Արպէս դայեակ
մի ասէ որ սնուցանիցէ մանկունս
այնպէս գթացաք 'ի ձեզ . հաճոյ
թուեցաւ տալ ձեզ ոչ միայն զաւե-
տարանն այլ և զանձինս մեր , զի սի-
րելիք մեր եղերուք :

Ը . Աւետարանիչք . զի զուրա-
խութիւն աստի կենացս և հանդեր-
ձելոցն տալ առատութեամբ 'ի լաւ-

լիս սպասողացն . քանզի բարեպաշ-
 տութեան բան , որ է առ ամենայն
 ինչ օգտակար , ունի զաւետիս կե-
 նաց զայժմուս և զհանդերձելոյն յա-
 լիտենի . և զէասկսն աւետիս , որ
 է հոգին ճշմարտութե ըստ որում
 ասաց տէր . Ահաւասիկ առաքեմ
 զաւետիս հօր իմ առ ձեզ : Այժմիայն
 ՚ի վերստին ծննդեանն օժմանն և
 ձեռնադրութեամբ ձեռաց տալ նո-
 րածնիցն , այլ և ցանկորդ վարդա-
 պետութեամբ ուղիղ հաւատոյ և
 անախտ վարուց պահել ՚ի նոսա .
 կամ զորումեալն և հեռացեալ յա-
 ղագս ՚ի մէնջն պատճառաց չարաց
 որ ՚ի բանից և գործոց՝ այսրէն դարձ-
 ձուցանել , ընդդիմակ առաքինի վա-
 րուց ունակութեան լինելով ա-
 ութիթ : Եւ այս իսկ է աւետարանեալ
 խաղաղութիւն ՚ի տեառնէ՝ հեռա-
 ւորաց և մերձաւորաց . զոր ՚ի վե-
 րայ ելանելով բարձու լերինն հա-
 ւատոյն ճշմարտութեան՝ որոց կա-
 րեն աւետարանել , ՚ի տեառնէ ըն-
 կալեալ զբան Սիոնի նորոյ և Երու-
 սաղեմի , հրամայէ զօրութեամբ ու-

Ժոյ բարձրացուցանել զբարբառ :
 Առ քեզ ամենայն իրօք , ո՛վ դու ,
 Թուի հայել հրամանականիս բանի
 դիտաւորութե , և ոչ պարտիս կալ
 'ի զանխուլս՝ ծածկոյթ զբազմու-
 թիւնս առնելով , զի մի ստուշկա-
 նող Թագաւորականին երևեալ
 հրամանի՝ անզերծ զվճիռն ունիցիս
 մահու . այլ զի ք՞ գեղեցիկք երևին
 և ցուցցին ոտք որսէս աւետարանչի
 համբաւուն մեծին խաղաղութեան
 'ի փրկութիւն անձին և 'ի փառս
 Քրիստոսի :

Թ . Հովիւ . զի ոչ զանձինս , այլ
 զխաշինս արածիցեն . քանզի և քաջն
 հովիւ ոչ անձին խնդրեաց ինչ հա-
 ճոյ լինել , այլ բազմաց զի ապրես-
 ցին , յորոց վերայ եդեալ զինքն
 կամաւորութեամբ , 'ի գազանին ժա-
 նեաց 'ի բաց կորզեալ Թափեաց :
 Մի և դու անփոյթ առնիցես ոչխա-
 րացն մեծագնի ժողովեւոց , արաս-
 ցես եթէ չիցես վարձկան 'ի մարմնի
 սերմանելով կամ կթելով զորս 'ի
 խաշանցն . զի մի՛ զապականութիւն

յաւիտենական փոխանակ այդորիկ
 թողովեսցես : Այլ հաշածեա զգա-
 զանան , զվերաւորեալն բժշկեա ,
 արկ 'ի վերայ ձեթ և գինի , զսպա-
 ճառն ուրախութեան և զուարթու-
 թեան հոգոյ . մի եղիցի գողանալ
 զոք աւազակին յարօտականաց քոց .
 մի զքնով անկեալ կորուսանիցես .
 մի յանձանօթ ճարակաց վայրս
 շրջեցուցանելով մոլորեցուցես : Եւ
 են սոքա ագիտական և օտարոտի
 ուամուռք . զինչ այլ ինչ է քահա-
 նայից զտէր ոչ ճանաչել ասացեալն
 եթէ ոչ վայելումն 'ի նոցայսն , զոր
 անուամբ կաթին և ասու նշանա-
 կեաց . և փոյթ վասն կենաց ոգւոյ
 նոցա ոչ բնաւ առնել . յորս յաւե-
 լու եւս՝ և զգէրսն զենուլ , և զհաս-
 տահարուսան աշխատ առնել , որ
 սէս թէ 'ի ճոխագունիցն սեղանս
 և 'ի բաժինս հասիցն զանձինս պա-
 րարելով՝ առանց խմորոյ հովուա-
 կանի բառնան թողուն զնոսա : Իսկ
 զոսս ողջացն փշրեալ կարծեմ զեղ-
 ծուցանել վարուցն իւրեանց ասպա-
 կանութեամբ զբազուսն՝ ոչ միայն

ի խառնակեցացն , այլ և յերկեղա-
 ծից դայթակղեցուցանել՝ և որ ինչ
 առ այս և վասն այսորիկ բանք են
 ասացեալ յեղանակօք իւիք՝ ի դիրս ,
 կամ պարզաբար՝ և գործք և կիրք
 նոցա և յաղագս նոցա յոյժ երկայ-
 նագոյնք են , և առ այժմուս բան
 ոչ հարկաւորք :

Ժ . Իսկ Զօրագլուխ կոչիլ , բաց
 երևապէս ցուցանէ ոչ խաղաղու-
 թեան այլ պատերազմի զայժմուս
 գոլ ժամանակ ՚ի հաւատս եկեղոց և
 բարեպաշտից , առաջնորդութեամբ
 հարց սրբոց և քահանայից . և ա-
 ռաքինի զօրապետս՝ զայս ուսուցա-
 նէ Պաւղոս ասելով . Ոչ է մեզ մարտ
 ընդ մարմնոյ և ընդ արեան , այլ ընդ
 իշխանութիւնս և ընդ պետութիւնս
 և ընդ աշխարհակալս խաւարիս այ-
 սորիկ , ընդ այսս չարութեան որ ՚ի
 ներքոյ երկնից . և զպիտանացուն
 այսր ճակատի զստառազինութիւն ,
 որպէս զի կարասցուք ՚ի դիմի հար-
 կանել չարին յաւուր չարութեան ,
 և զմուխ նետս նորա շիջուցանել

հրամայէ՝ և խրատ սոյ առնուլ . և
 են սոքա հաւատք, յոյս, սէր, քան-
 զի սիրով վարկանիմ նշանակիչ զա-
 սելն, թէ զտեղի կալիք : Արդ ա-
 րու թիւն, ճշմարտութիւն, աւետա-
 րանական խրատու ունկնդրութիւն,
 և վարդապետութիւն, հոգի սուրբ,
 զորս այլաբանելով ասէ, վահան, և
 սաղաւարտ՝ սուսեր՝ և գօտի՝ և կօ-
 շիկս : Արդ որպէս ո՞ իցէ յարդա-
 րիչ ճակատու և կազմիչ, այլ և նա-
 խամարտիկ եւս և առաջին ակոյա-
 նից . զի արդ բաղձնուլ ոք երբէք կա-
 րասցէ զի վայր քարշողաւ ստորին
 մտածութեամբ և մարմնականաւ .
 քանզի ոչ ոք զինուոր ընդ կեանս
 աշխարհիս սլատաղեալ կարիցէ հա-
 ճոյ լինել զօրավարին, այսինքն մե-
 րոյ նախարարապետին և թագաւո-
 րի Յիսուսի Քրիստոսի . և եթէ մար-
 տիկ ոք իցէ՝ ոչ սլաակի, եթէ ոչ ըստ
 օրինին մարտիցէ . եթէ առանց օրի-
 նին յաղթող՝ ոչ արժանի սլաակի
 դու դատեալ եղեւ . իսկ սլարտեալն
 յամենայնի՝ յորս հարկաւոր էր
 յաղթել՝ այլ և կարելի, զինչ կրել

հանդերձեալ իցէ 'ի ժամանակի
բաշխման յաղթանակացն՝ 'ի զայնու
սիկ մանակարարողէ և յարդար
դատաւորէ :

ԺԱ. Մարդիչ կոչն ոչ անիր և վայ
րապար, այլ վասն զի ուսուցչի և
յարդարողի առաւել քան յարուա
քին մարտս և յարուեստս՝ մերս
պիտանան մանկունք, և աւանդեալ
տուան 'ի Քրիստոսէ 'ի ձեռս նոցա,
որպէս զի առաջին հրահանգացն և
սկսմնականաց թեւակոխութեամբք,
և յողիս նոցա կատարելութեան հի
մնաւորեսցի տեսուած. և 'ի ձեռն
թեթեագունիցն և փոքուն առ սա
կաւ սակաւ ընդելեալք և կրր
թեալք, առնուլ զմեծագոյնան և առ
թուեցեալ ծանունս բաւականա
ցին. քանզի և ձիավարութեան և
աղեղնաւորութեան և այլոց զինուց
չարժականութեանց՝ առանց խրա
տու և 'ի մանկութենէն արուեստա
պէս վարժութեան, չիք հնար տե
ղեկութիւն առնուլ. նմանապէս և
բռնամարտիութեան, և այլոց հան

դիտականաց ուսմանց՝ յորս ինչ
 չեք դժուարագոյն ուսանել քան
 զկարգս քրիստոնէութեան :

ԺԲ. Իսկ լուսոյդ 'ի վերայ առա-
 կոչութիւն՝ արանց Աստուծոյ աշ-
 խարհի խորհրդածուաց 'ի տեառնէ
 հրամայեցաւ , քանզի առատ և
 առանց նախանձու ունելով ձեռն և
 կամս՝ ոչ անարժան համարեցաւ
 հաղորդս գոլ անուան զժառայսն ,
 որք 'ի սոգիտութեանս խաւարէ 'ի
 նա ինքն 'ի լոյսն ճշմարիտ հանդեր
 ձեալ էին մերձեցուցանել զաշխար-
 հըս , և յոլորոս տիեզերաց ինքեամբ
 զմեծի լուսոյն տարածանել ճառա-
 գայթ՝ և կրկնալի լուսով վարուցն՝
 կացուցանել զմարդիկ փառաւորիչս
 հօրն երկնաւորի , որոց յաջորդք
 և անուանակիցք՝ յետ նոցայն՝ և
 այժմուքս՝ յեկեղեցիս կացեալք՝
 տեսուչք և հրեշտակք են . և հարկ
 'ի վերայ կայ նախ առլի և սրատա-
 ըուն այնու քաղցր գոլ լուսով ,
 որոց նոյն 'ի վերայ անուն գրու-
 թեամբ կառուցաւ՝ յարածամ և

անընդմիջաբար առ նա հայելով և
 'ի հրամանս նորա խոկալով, ապա
 թէ ոչ, որով արդեւք յեղանակաւ
 իցէ հնար կամակար յայլս զլուսոյն
 անցուցանել հեղումն՝ և առ ընդու-
 նելու թիւն 'ի յոքնամտնակեայ խա-
 ւարաւ ըմբռնեալս. կամ միայն
 առանց այսորիկ լուսատենչիկս և
 կարօտս. և զի ներհական խաւարի
 է լոյս՝ ուսման ինչ ոչ են պէտք.
 այսպէս և խնաստութիւն՝ անգիտու-
 թեան և անզգամութեան, յայտ է
 թէ ընդունակք լուսոյ խնաստու-
 թեան՝ ընդունակաց տգիտութեան
 խաւարի. քանզի զինչ հաղորդու-
 թիւն է լուսոյ ընդ խաւարի : Դար-
 ձեալ և զի լուսաւորեն զանկնիքս
 մկրտութեամբ սրբոյ աւազանին, և
 վերստին ծննդեամբ ջրոյ և հոգւոյ,
 այլ և հրոյ անուանեցան լոյսք :

ՃԲ. Իսկ Քարող՝ յաղագս գոչե-
 լոյն զօրութեամբ առանց խնայելոյ,
 ըստ Եռայեայ՝ պատմելով տանն նո-
 րոյ Յակոբայ և Իսրայելի զմեղս և
 զանօրէնութիս իւրեանց, թերեւս

զղջացեալք և կամ յերկիւղ սա-
 կուցեալք սպառնալեացն յինքեանս
 եկեացեն, 'ի բաց զխասասրտութիս
 և զարհամարհանս եղեալ և ըզ-
 բարս թշնամանողս . որպէս ինքն
 համարձակեալ ասէր . Առարուք
 զբան տեառն, իշխանք սողոմացւոց,
 ունին դիք օրինաց Աստուծոյ, ժողո-
 վուրդք դոմորացւոց . և այլ սոյն-
 սիսիք . այլ և յաղադս փրկականին,
 ըստ որում և տէրն ինքնին քարոզէր
 հանգարտ և քաղցր աղաղակաւ, որ
 և աւագափողն ասելով . Ասաշխա-
 րեցէք զի մերձեալ է արքայութիւն
 երկնից . և վասն խառնին՝ ըստ որում
 Յովհաննէս 'ի կողմն Յորդանանու
 զմկրտութիւն ասաշխարութեան .
 իսկ առ սագուկեցիսն և փարիսե-
 ցիսն, խստագոյնս՝ ծնունդս իժից՝
 ասելով՝ ո՞ր եցոյց ձեզ փախչել 'ի բար-
 կութենէ : Այսպէս և առաքեալքն
 սուրբք . քանզի և յայսմ ընտրո-
 զութիւնք ոչ դուզնաքեայ ինչ՝
 վասն զի ոչ 'ի վերայ իրիք առանձ-
 նական մասին որոշմամբ ասացեալ
 է սա դործոց կամ բանից ըստ աւե-

տարանին , այլ հասարակապէս և
 իբր սեռականագոյն անուամբ զբա-
 ւանդակն ունի յինքեան և ընդ ին-
 քեամբ որքան ինչ աւետարանական
 ուսմանն և վարդապետութեանն է ,
 զի քարոզեցաւ և քարոզի աւետա-
 րանն ըստ հրամանի տեառն ընդ
 ամենայն երկիր :

ԺԴ . Այլ և Տնկագործ , ըստ նը-
 շանակի այլաբար անուանի վերա-
 կացուն վարդապետ յառ բանաւոր
 և իմաստուն տունկան աշխատութե-
 նէ , ըստ Պաւղոսի ձայնին . Ես անկե-
 ցի , ասէ , Ապողոս ջուր ետ , այլ
 Աստուած աճեցոյց : Նաեւ ինքն իսկ
 աճեցուցանողն տէր՝ այսու անուա-
 նի ըստ պիտոյիցն խնդրոյ ՚ի տեղիս
 տեղիս գրոց : Ես անկեցի զքեզ այ-
 գի համակ ճշմարիտ՝ զիարգ դարձաւ
 ինձ ՚ի դառնութիւն , այգիդ օտարա-
 ցեալ՝ ասաց մարգարէիւն . և դար-
 ձեալ . Որթ բերրի անկեցի ՚ի նմա .
 և այլս բազումս այսպիսիս գտանեմք
 ասացեալ յաղագս այսր : Արդ
 տունկ երկնային և բոյսք սքանչելի

մարդ յիմասանոց եւս ոմանց ա-
 նուանի ըստ սովորութեան գրոց .
 որոց զվնասակարս աւելորդացն և
 զանօգուտս 'ի պտղաբերաց՝ բշտել
 և յապաւել կարգեցար , որպէս զն
 առ 'ի պտղաբերութիւն պատեհա-
 գոյնն մնացեալ , առաւել եւս լիցի
 պտղատու հանգերձ տեականու-
 թեամբն . և 'ի փոխաբերութենէ
 ոչ միայն զանուն , այլ և զարուես-
 տին պարտիս հանճարեղութիւն
 աշխատագոյն . և առ տունկան տած
 խնամոյ , պահել , ուղղանել ջուրք
 վարդապետութեամբ , շուրջ բրել
 և կակղացուցանել որ առ արմա-
 տովն անպտղաբերին զխստութիւն .
 և զն թէ հիւթեղէն ոչ իցէ՝ արկա-
 նել աղբ առ 'ի սնունդ և պարար-
 տութիւն յորդորական խրատուց՝
 և ազգի ազգի առ նոսա դարմանք
 գործոցն և բանիցն , այսպէս ածան-
 ցաբար անուանին . և կարծրու-
 թեամբ երկաթոյն բաժակեալ՝ որ է
 բանին սրբոյ : Իսկ զ'ի նմին մնացեալ՝
 յետ 'ի խնաման վայելելոյ , 'ի բաց
 հատանել որպէս զվնասիչ մերձաւո-

րացն պտղաբերից , և խափան եկե-
ղեցականին գետնոյ տնկեցաւ տուն-
կրն՝ և տուաւ մշակաց , զի զպը-
տուղն ոչ անձանց , այլ տնկողին
պատրաստեցեն . զի մի իբրև զչարս
չարաւ կորուսցին՝ ի տեառնէ այգ-
ւոյն , և զայգին այլք ի հաւատար-
մաց առցեն մշակաց :

ԺԵ . Այլեթէ Տնկադործ և եթէ
Մշակասիցի՝ ի նոյն բերի , բայց սա-
կայն գոյ տարբերութի յարուեստս
և ի գործս նոցա , յորոց հաւաքեալ
զարժանաւոր իմաստութիւն և ըզ-
դիպողագոյն՝ անարժան և վարկապա-
րազի ոչ է յայտասիկ կոչեցելոցն ,
զի մի ի վարձուցն պարտութենէ
զրկեցին , զոր երկաքանչիւրոցն
խոստացաւ կողմանց տէր այգւոյն և
հնձոցն : Ոմանց ասելով . Երթայք և
գուք յայգին , և զոր ինչ արժանն է
առնուցուք . և ոմանց թէ Որ հնձէ
վարձս առցէ , և՛ յայտսիկ է բանն
ճշմարիտ , զի այլ է որ սերմանէ՝ և
այլ է որ հնձէ . և՛ առաքեցի զձեզ
հնձել զոր գուք ոչ վաստակեցէք ,

այլք վաստակեցին և դուք 'ի վաս-
տակս նոցա մտէք: Ուրեմն թեթևա-
դոյն քան զսերմանողացն կամի ա-
սել զհնձողացն աշխատութիս . իսկ
զվարձն ոչինչ զանազանեալ, որպէս
վերագոյնն ասաց . Ո՞չ դուք ասէք
թէ այլ եւս չորք ամիսք են և հունձք
դան . ահաւասիկ ես ասեմ՝ ձեզ .
ամբարձէք զաչս ձեր և տեսէք զար-
տորայսն զի սպիտակացեալ են և 'ի
հունձս հասեալ . և որ հնձէն վարձս
առցէ , և ժողովէ զպտուղն 'ի կեան-
սըն յաւիտենականս , զի որ սերմա-
նէն և որ հնձէ՝ հասարակ ցնծաս-
ցեն : Արդ եթէ զանհնարին ծան-
րութիւն և մեծութիւն աշխատու-
թեան առաքելոցն փոքրկացուցա-
նել 'ի լսելիս նոցա քան զմարգա-
րէիցն կամեցաւ , զի անդանդաղս և
առանց զանդիտելոյ յառաջիկայն
կազմեսցէ պատրաստեսցէ դործ ,
զինչ ունիցին ասել այժմուքս ա-
նուանեալք 'ի սոյն , որոց ոչ ընդ-
հրէայս և ընդ Սամարացիս և ընդ
հեթանոսս հակառակութիւն ինչ
վիճաբանութեան կայառաջի , և ոչ

ընդ ծով և ընդ ցամաք կասկածագին
 ուղևորութեան ընթացք, կամ գա-
 նից և կասպանաց երկիւղ. ոչ քար-
 կոծանք, ոչ բանդարգելութիւնք.
 ոչ մահուն զանաղանութիւն յան-
 տանելի տանջանաց՝ և ՚ի սրոյ ակըն-
 կալութիւն. և այնպէս անկեալ կան
 անշարժ յիրս ընձեռեալս նոցա, որ-
 պէս թէ չիցեն բնաւ տալոց համար՝
 և ոչ ամենեւին յորդորին ոչ յերկեւ-
 ղէ պատուհասիցն, և ոչ յառաքինի
 գործոցն խոստացեալ վարձուց :
 Չար է անգործութիւնս այս, քան
 զամենայն անստղութիւն բարեաց :

ԺԶ. Կալ գլուխ յեա Քրիստոսի՝
 մարմնոյ նորա՝ որ է եկեղեցի, և
 զանգամոց իւրոց մանաւանդ թէ ըզ-
 Քրիստոսի անգամոց, և ոչ մի ինչ
 իրօք իւրք գարմանոյ առնել փոյթ.
 զինչ գործ է գլխոյ, ասա այր գու.
 ոչ ՚ի նմա են զգայութիւնք զգա-
 լեացս ամենայնի. միթէ իմո՞ւ զաչս
 զի մի՞ զլոյս տեսցէ յաչաղանօք բո-
 լորի մարմնոյն, և ականջաց գրո՞ւնս
 արդեւք եղ անլրութեան զձայնից

յօդաւորաց կամ անյօդից , կամ
 թէ ըռընդաց զհոտոցն վտառս առ
 նախանձո՛ւ ասլականեացէ երբէք կամ
 ձանձրու թեան և վաստակոց . և բե-
 րանոյ և կզակաց շրուշակ և դանդա-
 նաւանդ շուրջ կազմեալ եդ չուտել
 և ըմբել առ կեալ . և ոչ արտաձայ-
 նեալ բարբառ և բան , և յամենայն
 մարմնոյն զատոյց զջօշափականն զօ-
 րու թիւն , զի մի այրեացի 'ի հրոյ'
 կամ 'ի ցրտու թեան սառնամանեաց
 պաղեալ զգացցէ ցաւոցն , և մի
 զխոշոր ինչ կամ զոզորկ՝ զկակուզ
 և զխիստ՝ զանգայտ և զհոծ որակու-
 թեան ծանիցէ զանազանու թիւնս .
 և ոչ ձեռք առ արուեստս և տու-
 րւառու թիւնս պատրաստք և դիւ-
 րաշարժք եղիցին , և ոչ մի ինչ 'ի մա-
 սանց մարմնոյս գործի՝ յանկան իւր
 հպեացի , յոր 'ի բնու թենէս սլատ
 շաճեալ որոշեցաւ արարչագործու-
 թեամբ Աստուծոյ , և զիարդ կեն-
 դանի բնաւ իցէ կամ ասացի : Արդ
 և ինքեան և որոց ընդ ինքեամբ այս-
 պիսի ինչ ոչ գլուխ գործեացէ կամ
 խորհեացի յորում ըստ մասանց

իբրեւ 'ի գղեկի նստեալ 'ի մտաց զըս-
 սրասաւորական կարգ բաշխեալ իւ-
 րաքանչիւր գործիականաց մասանց
 յարդարեալ կազմէ զբովանդակ ա-
 մենապատշաճ յօրինուածով . զոր
 որպէս յարացուցական առեալ
 սրատկեր , ամենայնիւ յայս կար-
 գեալքն ժողովրդակեալք սրարտին
 և ոչ մի ինչ զհակառակացն գործել ,
 զի մի ընդ նոսին և նախ քան զնոսս
 ամենապատիկ առաւելու թեամբ 'ի
 վայր քարշեալ և կրել մղուճն բըռ-
 նու թեան , իբր 'ի գագաթանէ յոյժ
 բարձուէ և ծայրագունէ անկցին 'ի
 խորխորատ անտանելի և տարտարո-
 սական վհին , որ է բաժին ժառան-
 գութեան յաւիտենականի առաջ-
 նորդաց կուրաց , և հետեւեալ նոցա
 սիրողաց , ըստ որում առակեաց
 տէրանշուշտ բանիւ : Քանզի առաջ
 նորդ զօրու և քաղաքօրէն քաղաքի
 կամ նաւաստի՝ յընտրութենէ կա-
 ցեալք իմաստնոց , և չափաւորաց՝
 զանոխալ հմտութիւն իրացն 'ի նոսս
 ստուգապէս գոլ վարկանողաց , ոչ
 զի մասն լիցին որոշեցան յայնոսիկ

նոցայցն աւանդելոց, այլ զի հան-
 ճարով քան զկարծեօք բաւակա-
 նագոյնս վճարեսցեն զընձեռեալ
 նոցա գործոցն մատակարարութիւն .
 իսկ եթէ գացի 'ի նոսա նենդութիւն
 խորամանգագործութեան՝ թուի
 ինձ եթէ առանց փրկանաց և աղեր-
 սաբանութեան հատուցանելոց են
 զարգարասէս հատեալ 'ի վերայ
 նոցա կորստեանն պարտս, զորս
 երկրորդ և նուազ, կամ զիսկագոյնն
 ասել՝ առ ոչինչ դնել է արժանաւոր
 և համարել 'ի դատաստանին առ
 Աստուած մեղուցելոց, քանզի անդ-
 ընթացեալ ելանէ հօտին հոգեբար-
 ձութեան թերատեսութիւն և ան-
 փոյթութիւն . և տարացոյց առ այս
 որդւոցն Հեղեայ անունկնդրութի
 հօրն Հեղեայ խրատու, վասն չծա-
 ռայելոյ ժողովրդեանն Աստուծոյ .
 և կրիցն յայտր սակս յոլովութիւնք
 և սաստկութիւնք յանձինս՝ և յա-
 մենայն ժողովուրդն հանդերձ հար-
 բն յանդիմանչաւ թեթևագոյն
 բանիւք, և որքանք 'ի դարձէ սա-
 պանակին տեսուն և անկուսն տանն

անարդու թեամբ 'ի սրատուոյ երի-
ցութե . սակայն փոքր կարի և յոյժ
նուազ այս եւս է , որքան ըստ մար-
մնոյ միայն և վճարական եղեալ :

Ժէ . Վասն այնորիկ և Տեսուչք
խսկ ասին և անուանին , զի և 'ի փո-
քունցն թուեցեւոց մի ինչ արասցեն
անտես . քանզի կոյրն կոյր է յորս
ոչն տեսանէ . 'ի գիւտ միոյ ոչխարի
և գրամի միոյ կորուսեւոյ խնդութի
է՝ ոչ գտողին եւեթ և տեսուն , այլ
և այլոց եւս բազմաց գրացեաց կոչե-
ցեւոց և բարեկամաց . զհրեշտակա-
կանացն ասել կարծեմ զօրութեց .
և 'ի նոցանէ ոչ միայն 'ի կորստեա-
նէ գտանել ոչ ջանան , այլ և մղեն
ընկենուն զբազումս մանաւանդ ե-
թէ զանձինս 'ի կորստեան անգտա-
նելի գուբ , զի թէ յածեալքն ընդ
ծով և ընդ ցամաք միոյ աղադաւ ե-
կամտի՝ զոր վատթար օրինակաւ ան-
ձանց՝ ընդ ինքեանց և կրկնակի եւս
առնէին որդի գեհենին , այնպէս 'ի
տեսանէ յանցաւորս նախատեցան
յաւիտենից կշտամբանօք , նորքա զի և

զբուռնան և ոչ մի կորուսանէն ցանկ ,
 զինչ արդեւք լսելոց և կրելոց իցեն
 յայնմ յաւիտենի , քանզի հանա-
 պազորդ լսելով չգրեն ինչ ադա-
 մանդեայ ունելով սիրտ , ըստ փո-
 ռոտեաց լեւիաթանայ՝ և հոգի եր-
 կաթեղէն , յորմէ և նա զողինն կար-
 ծրութիւն ասի նշանակաւ բերել :

ԺԸ . Ասին և հրաւիրաւք՝ ոչ ան-
 խորհրդաբար և առանց ստուգու-
 թեան , քանզի յառաջագոյն և
 կանխագոյն է հրաւէր քան զվայե-
 լումն հրաւիրականացն բարութեց :
 Եւ սոքա նախակարդեալ առաքե-
 ցան օրինակ իմն , ոչ միայն ՚ի մեր-
 ձաւոր և սլատրաստական ընթրեա-
 ցրս՝ որ յեկեղեցւոջ այժմս տեսանի
 կոչել խրախուժիւն . այլ և յապա-
 գային սեղանոյ անձառելի գինար-
 բուս զուարճութեան . վասն զի որ-
 պէս մարգարէիւքն յայս կանխաւ
 հրաւիրեաց , և արդարացոյց , և փա-
 ռաւորս արար զյառաջածանօթս
 ինքեան՝ Աստուած՝ առաքելական
 գործակցութեամբն ՚ի կերպակցու-

Թիւն պատկերի որդւոյ իւրոյ, սոյն
 պէս և որովք զինի նոցին ընդ այսմ
 և առ այսու՝ ՚ի հանդերձեալն ժո-
 ղովարան առաքեաց՝ ասէ, զծառայս
 իւր . յայտ է թէ խմաստութիւնն
 Աստուծոյ, որ յեւթն յեցուցեալ
 սիւնս շինեաց զինքեան սոււնն, կո-
 չել բարձր քարոզութեամբ, ՚ի
 սուրբ զենեացն և ՚ի գինոյն վայե-
 շումն և ՚ի կենագործակ հացիցն .
 Թողուլ զանգագամութիւն և կեալ-
 նա և յետ հրաժարելոյ հրաւիրե-
 լոցն առաջնոցն և զինելոյ արժանի
 պատրաստութեանն երանելի վայ-
 ելմանն, զայլս ոմանս օտարս և ար-
 համարհեալս և անծանօթս փոխա-
 նակ նոցա մուծանել ՚ի խնդարանն
 առագաստ . տես զնախախնամա-
 կանն տեսչութիւն, զոր ետ ծառայ-
 իցն ՚ի ձեռս ՚ի պատիւ մեծարանաց
 նոցա, և ՚ի փրկութիւն ունկնդրո-
 զաց կոչմանն : Սոքա և զաղտ մեղաց
 կռուեալ յոգիս, և զներկուածն ՚ի
 խոր առաքեալ, և բնաւորապէս իմն
 ընդմուծեալ թէ ըստ կարմրութե
 որդանի, և եթէ եւս այլոյ իրիք գու-

նոյ նուազագուռնի ընկալան զօրու-
 թիւն և իշխանութիւն լուանալ՝
 զոմանց 'ի ձեռն մկրտութեան սրբոյ
 աւագանին՝ որով է յորդեգրութի
 Աստուծոյ մտանել . և զկիսոց յետ
 այսորիկ գլորելոց՝ աճառովք ապաշ-
 խարութեան՝ ըստ զանազանութեան
 գործոցն մեղանաց , և ըստ ժամա-
 նակին երկայնութեան , ըստ պատ-
 ճառանաց հասակին ժամանակի ,
 տեղոյ , յեղանակի , գիմաց երկո-
 ցունց և մաքրեալ ընծայեցուցանեն
 վերստին Քրիստոսի , 'ի փառս
 Քրիստոսի և Աստուծոյ Հօր 'ի ձեռն
 ամենաբաւականի սրբոյ Հոգւոյն . և
 հանեալ յանարգէ զպատուականն
 լինին իբրեւ զբերան Աստուծոյ . և
 այսպիսի որսորդութիւն գեղեցիկ ,
 չէ զանազանութիւն ըստ պարգեւի
 յաւաքելականէն պատուոյ : Արոց
 հրամայեաց տէր . Եկայք և արարից
 զձեզ որսորդս մարդկան . և եզակի
 առ մի . Յայսմ հետէ զմարդիկ որ-
 սացես 'ի կեանս . և մարգարէիւն
 զայս յառաջագոյն խոստմամբ աւե-
 տարանեալ . Առաքեցից նոցա որ-

սորդս և որսասցեն զնոսա յամենայն
 շէրանց, 'ի հակառակութենէ 'ի բաց
 տանելով որսորդութենէ, զորմէ
 ասէ. իբրեւ վարմ' ձգեալ առ 'ի Տա
 քիրովն, կամ 'ի գլուխ գահա
 շահի. զոր որսորդք յորս հաստա
 տեցին, զուռկան աւետարանին ար
 կեալ յաշխարհիս ծով, և լրամբ
 մարդկան ձգեալ 'ի ցամաք՝ զբարի
 բարին ժողովեն յամանս 'ի կրկին
 շտեմարանս, իսկ զսոտանն 'ի բաց
 յերկոցունց ընկենուն :

ԺԹ. Եւ եթէ կոչի այսպիսին Տա
 ճարապետ, վասն զի ոչ զանշունչ
 նիւթոյ շինուած 'ի ժառանգութի
 գլխաւորի, այլ զբանական կենդա
 նեաց ժողովոյ, ո՞ ոք արդեւք հա
 կառակիցէ. քանզի յայսմ տաճարի
 փեսայ թագակալ և արքայ արքայից
 Քրիստոս 'ի Յովհաննէ վկայեցաւ.
 Որ ունի, ասէ, հարսն նա է փեսայ.
 Իսկ բարեկամ փեսային որ կայ և
 չսէ նմա՝ ուրախութեամբ ուրախ լի
 նի վասն ձայնի փեսային : Այլ և
 մանկունք այսր առագաստի առանց

այն
բաց
որմէ
Տա-
հա-
տա-
ար-
ամբ
արի
կին
բաց

Տա-
ւնչ
ւթի
գա-
հա-
արի
այն
աւ .
այ .
այ և
ս լի
լ և
անց

սոց և արամութէ վարին և կեան ,
զփեսայն ընդ իւրեանց ունելով ,
յեսո որոյ 'ի գահ երկրորդութեան
ընտրեալ 'ի փեսայէն այր այսպիսի՝
զկամս կատարեալ նորա կարգեցաւ
'ի հրամանէ , և որ ինչ վայելուչն և
արժանաւոր է սահմանեալ , յեսո
նորա առաջատականացն՝ և զպի-
տայից նորա առատութիւն զառ 'ի
Քրիստոսէ հրամանաւորեալ , ա-
ռանց նախանձու զեղուլ յուրա-
խութիւն հոգւոց ձրի բաշխամբ .
այսինքն , զնորա առեալ նմա մատու-
ցանել ըստ Դաւթայ . լսել և մեծի
հարսնած ուին Պաւղոսի 'ի զգուշու-
թիւն առթեցելոյն . խօսեցայ , ասէ ,
զձեզ իբրև զկոյս մի սուրբ յանդի-
ման առնել Քրիստոսի . բայց երկըն-
չիմ գուցէ ապականեացին իմաստք
ձեր 'ի միամտութենէն Քրիստոսի , և
գարձեալ . խորհուրդս մեծ է , բայց
ես ասեմ 'ի Քրիստոս և յեկեղեցի .
և այսոքիկ զեկուցանեն փոխանոր-
դաց նոցա զնոյն ունել մասածու-
թիւն . իմաստս սուրբս յերկաքան-
չիւր կողմանս զվայելուչս փեսաւիրի

և հարսնածուի մեծի այսորիկ խոր-
հըրդոյ . և խմանալ և գործել ոչ հեղգ
և գանգաղկոտ երբէք գող, քանզի
Անիծեալ, ասէ, որ գործէ զգործ
տեառն հեղգութեամբ . իսկ ան-
գործն զինչ կրելոյ իցէ, հեղգու-
թեամբ գործողացն զայս բաժա-
նելով :

Ի . իսկ հաւատարիմ կոչի ծա-
ռայ հակառակագրութեամբ առ
անհաւատարիմս ոմանս, որպէս
գողն Յուդաս և մատնիչ, քանզի
զտէրունիան ոչ մտերմութեամբ մա-
տակարարեալ և ուղիղ դատմամբ
ստանայ զնա իբրև խորիչ նենգաւ,
և զգերդաստանին յանձնեցելոյ և
հաւատացելոյն նմա տալ 'ի ժամու
զկերակուրն անփոյթ արարելոյ, և
ինքնասիրութեան տխտի 'ի չարիս մե-
ծագունին ծառայեցելոյ արբշու-
թեամբ և շուայտութեամբ զոչն
անիրաւ, այլ կարի յոյժ արդար
վճիւ պատուհասից 'ի վերայ ածէ,
ըստ որում լսես յաւետարանէ ան-
տի սրբոյ, զի և 'ի մարմնական իրս

հաւատարմութիւն առ տեարս՝ ծա-
 ւայից՝ յազատութիւն ածեալ պա-
 տուեաց զնոսա : Եղևազար դամաս-
 կացի՝ երէց տանն Աբրահամու ,
 յառ Աստուած բարեպաշտութե-
 նէն և ՚ի հաւատարիմն գոլոյ առ
 ըստ մարմնոյ տէրն , և փոյթ յա-
 ւանդեալ գործոյն նմա արբանե-
 կութիւն , եղև այնպիսի սիրելի և
 անուանի , ոչ միայն յայնժամ այլ և
 այժմ և առ յապա վկայեալ ՚ի տէ-
 րունեան գրոյն : Այս և զՅովսէփ
 ՚ի տանէ ծառայութեանն ՚ի կապա-
 նաց բանդէ յաթոռ թագաւորու-
 թեան նստուցանէր . նոյն և զԴա-
 նիէլ . լուր զինչ պատասխանի Դա-
 րեհի տայր ՚ի գբոյ անտի առեւծ ուցն
 յորժամ եկն ընդ առաւօսն՝ յու-
 սացեալ ՚ի տէր վասն սիրելոյն փրը-
 կութեան , և ՚ի բացուստ նախ քան
 ՚ի բերան հասանել գբոյն , առ ան-
 ձուկ ազազակեաց ասելով . Դանիէլ ,
 եթէ կարաց Աստուածն քո փրկել
 զքեզ զոր դու յաճախ պաշտելիր .
 իսկ նա . Աստուած իմ՝ առաքեաց
 զհրեշտակ իւր՝ և եխից զբերան ա-

ուեւծուցս, զի առ նա հաւատարիմ
 գտայ և առ քեզ ոչինչ անիրաւե-
 ցայ : Ուստի և Պաւղոս յողովակի
 խրատ տայ՝ միամտութեամբ սրտի և
 երկիւղիւ ծառայել տերանց, և ՚ի
 հնազանդութե կալ իշխանաց, որոց
 ոչ կամիցին զաստուածս աշտութեն
 կարգ խափանել. և եթէ առ ծա-
 ռայակիցս և համատոհմիկս այսքան
 խնդրի հաւատարմութիւն, որչափ
 առ թագաւոր ամենայնի և Աս-
 տուած՝ պարտիմք անխոտոր ունել
 միտս՝ և առանց սայթաքելոյ վարս.
 մանաւանդ արժանաւորեալք յե-
 կեղեցւոջ առաջինք գոլ և գլուխ ան-
 դամոց Քրիստոսի. Երանի, ասէ,
 ծառայիցն այնոցիկ՝ զորս եկեալ
 տէրն գտանիցէ արարեալ այնպէս :
 Եւ զի՛նչ երանականին իցէ հատու-
 ցումն. բազմեցուցանէ զնոսա և դո-
 սի ածեալ անցեալ պաշտեացէ ըզ-
 նոսա :

ԻՅ. Այլ և Պահասարան ՚ի զգու-
 շութենէ յարթունն գոլոյ յիրաւի
 անուանակոչի, ըստ որում և Դա-

լիթ սաղմոսէ 'ի վերայ հոգաբար
 ձուլթեանն և անընդհատ խնամոց
 Աստուծոյ առ ժողովուրդն . Ոչ
 ննջէ և ոչ 'ի քուն երթայ, ասէ, սրա
 հապանն խորայելի . և յետ նորա
 հովիւք և հեղինակ ժողովուրդոց իրօք
 և անուամբք պարտին ստորոգուլթի
 ընդունել, զի մի ոք և մի յոչխարաց
 և 'ի գառանցն Քրիստոսի կորիցէ,
 զորս արածել մեծին հրամայեաց
 Պետրոսի . ինքն տէր հօտին խնդրէ
 գործոյս այսորիկ հարկաւորուլթի,
 ըստ օրինի ցայգապահաց և ցերե-
 կապահաց լինել վշտամբեր և տա-
 րահանդիստ : Արպէս ասէր Յակոբ,
 Զցայգ ցրտակէզ լինէի, և զցերեկ
 արևակէզ . այլ և զգողօնն յանձնէ
 սրահանջի, և զգազանաբեկն առ
 քեզ ոչ բերէի, Լաբան : Եւ եթէ
 անբանիցն բնուլթիւն արօտականացն
 ընտանեաց այսքան խնամոց և տա-
 ւապանաց երկոց՝ 'ի նախախնամո-
 զաց ունի պէտս, և որով հովուէն
 հօտերէց և երկեւղ և սրատկառանս
 'ի տեառնէն են . վասն որոյ զհաւա-
 տարմուլթիւնն անբողջ և անլոյծ

ունի : Որպիսի՞ ասլա առ հաւատա-
 ցեալ մտաւոր գառինսն իցէ վայե-
 լուչ և իրաւացի՝ ցուցանել հպա-
 տակութիւն պաշտաման . կամ քան
 զոր բան ոչ՝ ի վեր երկնչել և գողալ
 պատկառանք հանդերձ յաւանդո-
 ղէն Քրիստոսէ , որ է տէր փառաց
 և գնոց արեանն իւրոյ հօտի , և դա-
 տելոց է խոյ առ խոյ՝ և ոչխար առ
 ոչխար : Եւ այն զի խնդրէ ոչ միայն
 պահել և արածել , այլ և զպա-
 կասեալն զկորուսեալն գտանել , և
 յաւելուլ ՚ի թիւն , և զթիւրեալն
 ուղղել , և զմոլորեալն դարձուցա-
 նել , և բժշկել զբեկեալն . զծան-
 րութիւն վաստակոցն այլք կրեցին ,
 յաշխարհէ ամենայն հաւաքելով
 խաշինս տեառն իւրեանց , զոչ ժո-
 ղովուրդն ՚ի ժողովուրդ գումարե-
 լով , և զչսիրեցեալն ՚ի սէր . քեզ ոչ
 այսպէս , այլ պահել եւեթ՝ և չտալ
 կորնչել , կամ սովով կամ ծարա-
 ւով ճնշել և հաշիւ , հաւատացաւ
 և յամենայն պատահարից զգուշա-
 նալ . զի եթէ զառաքելոցն թեթեւ
 համարի զաշխատութիւն՝ ասելով .

Այլք վաստակեցին , և դուք 'ի վաստակս նոցա մտէք . ո՞րքերեւ զծանուէ իշխեսցէ քրթմնջել զիւրոցն յեկեղեցւոջն քրտանց և վաստակոց . ոչ եթէ յոյժ չէ ծանր , ասեմ՝ զայս , այլ բաղդատելով ընդ առաւել տաժանականին :

ԻՅ . Իսկ գանձ ունել՝ յաղագս բանին հաւատոյ իմասցի ասել , զոր արքայութիւն երկնից , Փրկիչն աւուուանէ՝ ծածկեալ յագարակի քարոզութեանն , և գնել ընդ ամենայն պատճառաց կենցաղոյս , նաև ընդ կելոյ և ընդ արեան . քանզի աշխարհս ոչ է գնելի՝ այլ հրաժարելի , առաւել՝ զի մի զանձինս արասցուք թշնամիս Աստուծոյ : Է և բաղմութիւն մանկանցն և քաջութիւն սղնուականութեանն գանձ արժանի պարծանաց և գոհութեան զՏեառնէ . Ահաւասիկ ես և մանկուիք իմ զոր ետ ինձ Աստուած . քան զոր ոչինչ ճոխութիւն և բաստ սղանձալի և երանելի է : Նմանապէս և անձնական առաքինութիւնք իւրաքան .

չիւր ումեք՝ որ կոչի քաջաբարու-
թիւն . և է սա խառն ընդ երկոսին՝
և անբաժանելի , զի և ոչ իսկ է կար
առանց սորա բարի ումեք գող , և
վճարել ինչ՝ի հաճոյիցն Աստուծոյ ,
ոչ հասարակական և ոչ յատկական
ունել հարստութի աստուածային :

ԻԳ . Այլ կերակրիչ և արբուցա-
նող զհոգևորացն նշանակաւ ասի .
ոչինչ պակասեցուցանելով՝ յորոց
երթան ՚ի սնունդ և յաճումն , ՚ի
կատարելութիւն և ՚ի զօրութիւն
հոգւոյ , յուրախութիւն և ՚ի գե-
ղաւորութի , յանմարմնական քա-
ջազգայութիւն , այլ և յառողջու-
թիւն սոցա ազգակցութիւն . զի
զայսպիսի խահագործել կերակուր
և մատուռակել ըմպելի , արանց է
բարեաց և քաջուսումնութեամբ
հռչակաւորաց , որք բուական են ա-
ծել հասուցանել զանկատար ոգիս
յայր կատարեալ ՚ի չափ հասակի
կատարմանն Քրիստոսի :

ԻԴ . Իսկ զգեցուցանելք՝ յոքնա-

տեսակ լսի . նախ առաջին յետ մեր
 կանաչոյ զհին մարդն գործօք իւրօք՝
 'ի ձեռն մկրտութեան աւազանին՝
 'ի հողի սուրբ և 'ի ջուր զգեցուցա-
 նեն զՔրիստոս , ըստ որում ասէն
 առաքեալ : Իսկ եթէ գէտ լինի ա-
 սել դարձեալ մերկանալ գլորմամբ
 'ի մեղս , թէսպէս և տաժանմամբ որ
 զգենուն՝ զգենու , և որ զգեցուցա-
 նէն՝ տայ , սակայն եթէ ոչ հանդեր-
 ձեալ իցեն երկաքանչիւրքն յար-
 համարհանս գալ բարւոյն անձանց ,
 հարկաւոր զաշխատութիւնն համա-
 րելի է՝ զոր առաքեալ արար առ
 Գաղատացիսն և առ այլս ոմանս ,
 վերստին երկնել մինչև նկարեացի
 միւսանգամ 'ի նոսա Քրիստոս :
 Երրորդ , 'ի նահատակութի մարտի
 զՔրիստոսի զինուորն ընդդէմ չար
 ախոյանին կազմեալ կռուելով , և
 ամենայն հակառակ զօրութեանցն
 որ ընդ նովաւ՝ զսարառազինութիւնն
 որ ըստ Փրկչին՝ զգենուլ հրամայէ :
 Չորրորդ , զի ոչ զըստ մասանց եւեթ
 զօրականս , այլ և զբոլորն զգեցու-
 ցանէ եկեղեցի 'ի հանդերձս ոսկե-

հուռս՝ գործակցելով տեառն և
յաղագոսնորա, որպէս զի կացուցէ
ընդ աջմէ, դնել սլտակ որպէս փե-
սայի, և զարգարելով զարդու որ-
պէս հարսն:

ԻԵ. Եւ նուիրիչ է՝ մատուցանե-
լով Աստուծոյ զիւրան նորայս, եթէ
զանձն և եթէ զայլս՝ սուրբ, մա-
քուր, յստակ, անարատ նուիրա-
նոցաւ մեծաւ եկեղեցեաւ. ուրա-
խացուցանելով զբարերարն Փրկիչ,
և հաշտ արժանաւոր ընծատրու-
թեամբ և ընտանեգունաւ. Կերայ,
ասէ, զհաց իմ՝ ընդ մեզու իմում, և
արբի զգինի իմ՝ ընդ կաթին իմում.
Քանզի նուիրեալ ընդ նմա բարե-
գործութիւնսն՝ ի մարդկանէ, և ընդ
նոսին ինքեանս խրախանայ հաճե-
ցեալ աստուածսբար:

ԻԶ. Այլ թէպէտեւ առաքեալ
խորհրդաբանէ զտեառնէ ասելով.
Մի միջնորդ Աստուծոյ և մարդկան.
ըստ որում համանդամայն է Աս-
տուած և մարդ. համագոյ Հօր՝

վասն ճշմարտապէս ծնունդ և բան
 նորա գոչոյն՝ և Որդի միածին . և
 համագոյ մեզ , յաղագս կատարեալ
 մարդեղութեանն 'ի Կուսէն . ոչ
 մերկ և անմարմին գոչով բան , որ
 պէս 'ի սկզբանէ , և ոչ մարդ սոսկ
 և միայն՝ որպէս հասարակական ոք ,
 այլ յերկուց մի Տէր՝ և մի Որդի՝ և
 մի Քրիստոս . և Աստուած , Աս-
 տուած յԱստուծոյ բնութեամբ , և
 մարդ կատարեալ՝ և աներկբայ 'ի
 մարդկանէ՝ այսինքն 'ի Մարիամայ
 աստուածածնէ : Եւ դարձեալ զի
 հաշտեցոյց զմեզ ընդ հօր իւրում ,
 յանձն իւր որովք կրեացն և որովք
 գործեաց օրինակօք միջնորդու-
 թեամբ ձգելով 'ի խաղաղութիւն :
 Սակայն և ընտրելոց 'ի մարդկանէ
 ծառայից իւրոց՝ զնոյն ըստ չափու
 և բաւականապէս գործել ոչ անար-
 ժան համարեցաւ . որպէս գլխոյ
 մարգարէիցն , Մովսիսի , նախ , և քա-
 հանայից ոմանց և մարգարէից յետ
 նորա , կամ դատաւորաց և թագա-
 ւորաց . և զկնի ամբառնալոյն ին-
 քեան յերկինս՝ առաքելոցն և զորա

նոքայն կացուցանէին փոխանորդս ,
 և մինչեւ ցայսօր ժամանակի կացե-
 լոց արժանաւոր սրբութեամբ , և
 ամենայն բարեձևութիւնք բերեալ
 առ մարդիկ լինին . և մարդկայինք
 պատուք առաքինութեան , 'ի վեր
 առաջի նորա մատուցանին նուէր
 ընդունելի , և արդեւանին էջք բար-
 կութեան Աստուծոյ 'ի ժամանակի
 վրէժխնդրութեան , և խրատեալք
 մարդիկ բերանոյ նոցա բանիւք
 հեռասցին 'ի սիալանաց որովք շար-
 ժի 'ի տանջել հաշտն և բարեբար
 միայն և Փրկիչ : Բայց արդ յովովք
 'ի նոցանէ ոչ ըստ ճառեցելոցդ
 բարեբերք և չարահալածք , այլ
 հակառակին են մատունք :

Իհ . Ունել ինչ և դատողու-
 թեան հասարակութի առ միջնոր
 դութիւն . քանզի օրինակ իմն և սա
 միջին ըստ ուղղութեան դուրով կըշ-
 աոց հակամիտել անիրաւութեան
 թոյլ տայ և ոչ բնաւ երբէք , այլ
 ստուգագոյն ընտրութեամբ ժողո-
 վեալ 'ի միտս զոսոխաց և զաղերսո .

շաց հակաբանաբար ասմունս , ճրշ
 քրիտ ըստ իւրաքանչիւր արժանա-
 ւորութեան 'ի վեր սահմանելով
 ածէ զվճիռ դատաստանին . վասն զի
 յայնոսիկ 'ի հզօրագունիցն ընկա-
 լան հրաման և օրէնս ոչ խոտորել
 ոչ յաջ և ոչ յահեակ , այլ զմի-
 ջինն գնալ անսայթաք արքունական
 պողոտայ : հրամայեաց և աէր ոչ
 ըստ աչս գատիլ՝ այլ ուղիղ առնել
 դատաստան . քանզի ըստ օրինաց
 կարծիս տալ ունել աթոռ դատո-
 շութեան , և առանց օրինաց բերել
 արտաքս վճիռ՝ զառ 'ի յԱստուծոյ
 հարուածոցն առանց հրաժեշտի և
 փրկանաց՝ ունի կրել սասակու-
 թեամբ պատուհաս . որպէս ասէ ա-
 ռաքեալ առ Անանիա քահանայա-
 պետ . լուիցեն դատիչք եկեղեցւոյ
 և պետութեան՝ քահանայից ա-
 նուամբ եւեթ գունաւորեալք , և
 երկիցեն 'ի գաւազանէ զօրութեան
 Աստուծոյ . քանզի ոչ առ 'ի խրատ
 զայս հարուած երանելին մարգա-
 րէանայ մանկաբեր Պաւղոս , այլ 'ի
 սասակումն կորստեան , և մի ինչ

կարծեսցեն օրինաց եկեղեցւոյ կամ
 դատեսցին զոք առանց իրաւանց
 արդարութե , թերեւս կարասցեն
 զերծանել 'ի սատակողական անտի
 դանէ . դատաստան արդար դատե-
 ցարուք . ոլորմութիւն և ճշմար-
 տութիւն արարէք՝ ասէ աստուա-
 ծազանն գիր . կորուսանել զիրա-
 ւունս յսակալաց և կաշառասիրաց
 է , և ոչ ծանօթից Աստուծոյ և պաշ-
 տօնէից , մի խաբեալ պատրեսցուք
 յիմէքէ , գործել առաք զհակառակս
 օրինաց մերոց և աշտիճանաց :

ԻԸ . Արդ զինչ առաքեալ կամի
 ուսուցանել մեզ , յորժամ ասիցէ ,
 Այսպէս համարեսցին զմեզ մարդիկ՝
 իբրեւ զպաշտօնեայս Քրիստոսի , և
 հազարապետս խորհրդոցն Աստու-
 ծոյ . արդ խնդիր է 'ի մէջ հազա-
 րապետաց եթէ ոք հաւատարիմ
 գացի . այլ քանզի խորհրդածուք
 ճշմարտութեանն և քարոզք բանին
 գերազանցեալ զպատուոյն և զիշ-
 խանութեանն ունին զօրութիւն և
 փառաւորապէս 'ի տունս թագա-

ւորաց հազարապետք, յորոց պարտ
 է և հաւատարիմ գոլ և անխարդախ
 յամենայն ի ըստ արժանի ընարու-
 թեանն և սիրոյ, և այնքան զի մինչ
 ոչ ումեք կարծել յանտեղեացն
 ինչ խորհել նոցա կամ գործել:
 Նաեւ իսկ յայսքան համարձակու-
 թիւն յանդգնութեան մտաբերել,
 որպէս զի իշխել ՚ի խոյզ արկանել
 զանկասկած նոցա առ տեարսն՝ և
 հնազանդութեան և սիրոյ մտեր-
 մութիւն, վասն զի հեռի է այսպիսի
 կարծեաց քննութի ՚ի ճշմարիտ բա-
 րեկամութենէ: Աւստի և յաւելու ՚ի
 վերայ առաքեալ ասելով առ կորն-
 թացիս. Այլ և ինձ այս անարգանք
 են եթէ ՚ի ձէնջ դատեցայց՝ կամ
 բնաւ իսկ ՚ի մարդկանէ. զի ոչ տայր
 պատճառս ՚ի սլաշտամանն՝ յիրաւի
 զայս ասէ: Այսպէս որք արժանաւո-
 րեցան պատուոյ վերակացուք եկե-
 ղեցւոյ՝ որք զկնի առաքելոցն՝ եւս
 պատշաճ և օրէն է և ոչ սոցա տալ
 ումեք իշխանութիւն յաղագս թերի
 վարուց ՚ի վերայ ինքեանց սրել ըզ-
 լեզուս, որքան իցէ հնար և կարո-

ղուծիւն , և մի թշնամանաց պատուոյն և անձին դատապարտութեան լինել առիթ և պատճառ . վասն զի որոց շատն տուաւ առաւել եւս պահանջեսցին :

ԻԹ . Չայսքան և զայսպիսիս յեկեղեցւոջ բարեկարգութեան յորինուածս՝ և հաճելի գրուծիւնս , կոչեն համառօտիւ ՚ի տեսչութենէ յորինման տնօրէնութեան , առ սոքօք և ընդ նոսին զամենայն յիշատակելով՝ որքան ինչ յիշատակաւ աւանդեցաւ ՚ի տեառնէ քրիստոնէից՝ և յառաքելոց իւրոց , վարուց և բանից պարկեշտութիւն . որոց տնտես և մատակարար հաւատարիմ է առաջակացն այսր մեծի և հրաշափառագունի տան Աստուծոյ , որում անտես ինչ արհամարհանօք և ոչ արժանաւոր փութոյ ՚ի վայելուչն գոլոյ թագաւորին բնակողի և սրտահաճոյ՝ ոչ եղիցի . զի և ՚ի մարդկային իշխանութե կարգեալքն տաճարաց և արքունական սենեկաց և տանց վերակացու յարգարիչք և փութա-

րարք ոչ ինչ և ոչ 'ի փոքունց ան-
 գամ իշխեն անտես առնելով զըն-
 կենուլ 'ի հրամանացն առ 'ի զարդ
 և 'ի շքեղութիւն արքունեացն . և
 եթէ փոքունց և մահկանացուաց
 երկիւղիւ այնքան նախախնամու-
 թիւն բնակութեանն ապարանիցն
 առնեն , իսկ ուր բնակէ Աստուած՝
 և յորս գնայ ճեմի , որչափ ինչ
 պէտք են ջանի և հոգոց յայտասիկ
 որոշելոցն արանց որպէս զի սլառ-
 շաճական և աջողակ նմա կազմես-
 ցեն : Նոքա զանշունչսն՝ իսկ գու-
 զմտաւորն և զբանական հաւատա-
 ցար զարդարել արքունիս թագաւո-
 ըին անմահի և մեծի միայնոյ , և իշ-
 խես ծուլանալ հեղգութեամբ և
 մեղկութեամբ . արդարեւ ահ մեծ է
 անկանել 'ի ձեռս Աստուծոյ կեն-
 դանւոյ . սակայն են 'ի նոսա թր ոչ
 միայն անզարդ թողուն զսիրելին
 Աստուծոյ տաճար , այլ և խոհերս
 աղբոյ ժանտահոտի , և գազանաց
 պատառիչս 'ի ներքս ընու :

1. Այլ զի 'ի տեսարանի աշ-

խարհիս կարգեաց կացոյց տէր հան-
 գիսականս իւր անթուէլիս և ան-
 համարս ոչ զոգոյն ուսուցեալ հրա-
 հանգս կամ զօղիմպիականն , և ոչ
 զիսթիմեան և զնեմիականն և զկրո-
 փամարտիկ , և զոր հասեւառիկն ա-
 նուանեն , և ոչ զայլս ըստ ժամա-
 նակի և իշխանութեան յաւելեալս
 անմտութեան խաղս , այլ զերկնա-
 ւորացն նախանձելի և ցանկալի ա-
 ւաքինութեան գուպարս և ընդդի-
 մամարտութիւնս . չարի ախոյենին
 և մարմնական հեշտախտութեանց ,
 յորում տեսարանի ինքն հանգիսա-
 պեան և մարտագիր աւաքինի յոյժ
 գտեալ նախ մարմնով լինէր սրա-
 կեալ ամենապատկասէս , և զկնիցն
 իւրոց հանգիսականաց գոչէր զառ-
 ինքն նմանութիւն . Քաջալերեցա-
 ըրուք զի ես յաղթեցի աշխարհի .
 և նմանողք նորա յեա նորին կա-
 ցեալք իշխան 'ի նմանէ յորջորջե-
 ցան 'ի նոյն անուն վասն զնոյնս ա-
 ւաքինաբար գործելոյ :

ԼՅ . Եւ յորոշելոյ զլաւն 'ի վատ-

Թարէ , և զպատուականն յանար-
գէ , և զգէմս և զգործս , այլ և զժա-
մանակս մտանելոյ և ոչ մտանելոյ
'ի ներքս . միանգամայն և որքան ինչ
մերոց իրաց և աւանդութեանց հա-
ւաստի գիտութեամբ որոշմանց տե-
ղեկութի . տայ կոչել որոշող , յոր-
ժամ ոչ խառնակ և անընտիր և չը-
փոթեալ ինչ 'ի տեսութիւն և 'ի
գործ՝ կամ յայլ ինչ արտաքին 'ի
նմանէ եղեալ կամ մուծեալ յեկե-
ղեցի գտանիցի . այլ ըստ կարգի
ամենայն և ըստ յարմարութեան
որպէս խնդրեն եկեղեցւոյ օրէնք :

ԼԲ . Իսկ զի արք բարիք և կատա-
րեալք 'ի ընդոյ զկամս Աստուծոյ՝
նորա կոչին կամք , խնդրոյ ինչ խո-
րագունի չեն պէտք , որպէս Բաւ-
թի ասէ նոյն ինքն տէր , գտի այր
ըստ սրտի իմոյ որ արասցէ զամե-
նայն զկամս իմ :

ԼԳ . Այլ ժառանգաւոր հասա-
րակապէս և յատկաբար յաղագս
օծութեան , քանզի այսպէս կոչել

սովորութիւն է զվիճակեալս՝ վասն
առ որդին Աստուծոյ նմանութեան:

ԼԴ. Բայց կատարիչ զի ասի,
նախ վասն մկրտութեանն, երկրորդ
ձեռնադրութեան սակս. և ապա
զի ամենայն ինչ յեկեղեցւոջ կանո-
նեալ ըստ բարիոք սահմանի՝ ի փրկ-
կութիւն նոքօք լինի կատարեալ:

ԼԵ. Եւ խորհրդածութեան բան՝
գերամբարձ իմն տեսանի, թէսպէս
Եւ այլ ամենայն, վասն զի մեծ և
անճառելի է ուսմանս մերոյ տեսու-
թիւն և զօրութիւն զոր ընկալաք
յառաքելոց փրկչին, և ոչ դիւրաւս
և յայտնիս ամենեցուն, այլ որոց
սուեալ՝ ի շնորհաց հոգւոյն՝ ի ձեռն
Քրիստոսի, որոց մասին և սոքա ա-
սին՝ ի խորհուրդ զեղբարս ածելով:

ԼԶ. Եւ Պաշտօնեայ՝ ոչ այս միայն
զպէտս ընլով, այլ և բժշկապէս
դարման խօթացելոց և վերաւորաց
մատուցանեն այն խնամով, յորս
հպարտութիւն ամբարտաւանու-

թեան ոչ երբէք կարասցէ լինել
 գամագիւտ , զհետ երթալով խրա-
 տու և հրամանաց հեզոյն և խոնար-
 հի տեառն և Աստուծոյ մարմնացե-
 լոյ բանին , որ ոչ եկն պաշտօն առ-
 նուլ՝ այլ պաշտել և տալ զանձն
 փրկանս փոխանակ բազմաց . և սփա-
 ծեալ զենջակ՝ արկանէր ջուր 'ի
 կոնք և մատուցեալ լուանայր զոտս
 աշակերտացն և ծառայից՝ վարդա-
 սէտն և տէր , և սրբեալ մաքրէր զեն-
 ջակաւն : Եւ վասն զի զանձառելին
 կատարէր խոնարհու թեան պաշտօն
 օրինակ նոցա զի թէ ես տէրս և վար-
 դասպետս լուացի զոտս ձեր և դուք
 պարտիք զմիմեանց ոտս լուանալ . և
 երբեմն յորժամ խնդրէին ընդ մի-
 մեանս աշակերտքն թէ ո՞ 'ի մէնջ
 իցէ մեծ , առական մանկան ցած ու-
 ցանէր զոգւոյ նոցա ամբարձամտու-
 թիւն , այլ և հեթանոսացն իշխանօք
 և մեծամեծօք , իբր նախատինս իմն
 գնելով զորդւոցն որոտման արգե-
 լոյր անպատշաճ խնդիրս . և այլ իմն
 ուսուցանէր նոցա և ամենեցուն
 հնար և արուեստ բարձրանալոյ ,

զծառայն և պաշտօնեայ ամենեցուն
 լինել և վերջին . զի և ինքն մտադիւ-
 րութեամբ ծառայեաց բազմաց .
 ապա ուրեմն բարձրն այն և նախա-
 գահ ամենայն երկրաւոր իշխանու-
 թեան, մանաւանդ եթէ գերաշխար-
 հիկ և երկնաւոր իշխանութիւն, ոչ
 այլ ինչ ըստ ճոխութեան իրաց և
 անուանց է և ասի, քան եթէ պաշ-
 տօն սարկաւագելոյ բազմաց . ես
 եմ ասէ 'ի միջի ձերում իբրեւ ըզ-
 ծառայ, և աշակերտն՝ զպաշտօնն իմ
 փառաւոր առնեմ ասէ, և զմեզ
 ծառայս ձեզ վասն Քրիստոսի . և
 եթէ ամենայն ինչ ձեր է, եթէ
 Պաւղոս եթէ Կեփաս եթէ Ապո-
 ղոս . և արդ ո՛ւր իցեն վիսաբարոյ
 հպարտքն, որք իբրեւ զգոռոզս ճո-
 խանան մեծամտութեամբ և թշնա-
 մանօք, վասն զի ոչ գիտեն զկոչմանն
 և զիշխանութեան գիպաւորութի,
 և եթէ ո՛ւմ իցէ պարտ նմանել :

ԼԵ . Այլ Ազգարարս 'ի գիտա-
 նոցի կացեալ վերայ՝ և զգուշակս
 յարձակման թշնամեաց . և եթէ ոչ

այնպէս ինչ իցէ՝ դէտա կոչել սովորութիւն է՝ և վարին գիրք յոլովակի հասարակականաւ անուամբ և բայիւք, այլ և բանիւ բացերեւականօք, նաեւ ամենայնիւ գրեաթէ սուղ ինչ նուազ. որովք առ օգուակենցաղոյս բնաւորեալ են մարդիկ առ գործ և բան ընդխառնեալ և վարել. որոյ օրինակաւ և զՆզեկիէլ կացուցեալ Աստուծոյ՝ ի վերայ ժողովրդեանն, ասէր ցնոյն ինքն. Որդի մարդոյ, դէտ կացուցի զքեզ, և ապա թէ՛ ՚ի ձեռն փողոյ ազգ անել մարդկան կացուցանողաց. սովորապէս բերեալ նմա օրինակ ասէր դարձեալ. Որդի մարդոյ, խօսեա առ որդիս ժողովրդեան քո՝ և ասացես ցնոսա. երկիր յորոյ վերայ ածիցեմ ես սուր, և առցեն ժողովուրդ երկրին այր մի յինքեանց՝ և կացուցանիցեն զնա ՚ի վերայ ինքեանց դէտ, և տեսցէ զսուրն եկեալ յերկիրն՝ և փող հարցէ և ազգարասցէ ժողովրդեանն, և եղիցի որ լսիցէ զձայն փողոյն՝ և ոչ զգուշացի և եկեսցէ սուրն և հասցէ նմա, և


րիւն նորա 'ի գլուխ նորա եղիցի ,
 զի լուաւ զձայն փողոյն և ոչ զգու-
 շացաւ . և նա՛ զի զգուշացոյց՝ զանձն
 իւր ապրեցոյց : Իսկ գէտն եթէ տե-
 սանիցէ եկեալ զսուրն , և ոչ առ-
 նիցէ ազգ փողովն՝ և ժողովուրդն
 ոչ զգուշացին , և եկեալ սուրն ըմ-
 քրունիցէ անձն մի , նա վասն անօրէ-
 նութեանն իւրոյ ըմբռնեցաւ , և
 զարիւն նորա 'ի ձեռաց դիտին խըն-
 դրեցից : Արդ ըստ որում քաղաք
 կամ գաւառ երկիրդ և կասկած ու-
 նելով բարբարոսական յարձակ-
 մանց , կացուցանեն գէտս 'ի վերայ
 աշտարակաց բարձանց՝ այլ և բլրոց
 դիտանոցաց 'ի զգուշութիւն փրկու-
 թեան և նորա ամենայն շրջահայե-
 ցութեամբ դիտեալ զկողմանս ա-
 ռանց քնոյ և հեղգութեան՝ եթէ
 գէտ լիցի գալ հէն 'ի թշնամեացն և
 ասպատակ , ազգեցութեամբ նորա
 ասրեալքն արժանաւոր սրատուոյ և
 գովութեան զնա առնեն : Իսկ եթէ
 քնով ըմբռնեալ կայ անհոգու-
 թեամբ՝ զփրկութենէ անտես արա-
 րեալ՝ պատճառ ումեք կորստեան լի

նիցի, անձին առաւել նիւթեաց ըզ-
 մահաբեր լինասն: Այսպէս և քահա-
 նայ զորքանս ընդ ձեռամբ ունիցի
 և որոյ եկաց գէտ՝ ամենայն հաւա-
 տարմութեամբ և փութով պարտի
 զգուշացուցանել, որպէս զի մի անկ-
 ցին՝ ի սուր սպառնալեաց տեառն .
 քանզի թէ այժմ՝ յաւազակին սպան-
 մանէ և վիրաց ապրեցուսցեն աշ-
 խատութեամբ և սիրոյ ջերմու-
 թեամբ ըստ օրինի իւրեանց, և զնը-
 շան կենաց և յոգւոյն գիցեն գլուխ
 և ճակատ, յայնժամ զերծեալ ի
 տապաստու՝ սիրոյն գթութեամբ
 լինիցին. զի հանապազ իրաւացի և
 սրտականաւոր է զոսոխին դարանա-
 կալութիւն զեկուցանել և յուշ
 առնել քաղաքացեաց եկեղեցւոյ,
 թերեւս կարասցեն պահել առանց
 լնասու, կամ զզմնասեալն ողջացու-
 ցանել. քանզի և այս կարողութիւն
 է գիտողաց եկեղեցւոյ թէպէտեւ
 ոչ արտաքնոց. մի զտարալսութիւն
 ուրուք լռութեան առնուլ պատ-
 ճառ, և մի յերկիւղ ընդգիմաբա-
 նութեան աղխել զշրթունս. քան-

զի ոչ է այս դիտի՝ եթէ ոչ հանդեր-
 ձեալ իցէ անձին կուտել խորխո-
 րատ կորստեան : Իսկ եթէ առ լու-
 թեամբն և դանդաղանօք և սատակ-
 ման եւս ոք լինիցի առիթ՝ ՚ի նոցա-
 նէ ումեք փոխանակ փրկութեան ,
 զի՞նչ համար ունիցի տալ Աստու-
 ծոյ , կամ զո՞ պատասխարան ապա-
 շինութեանց ահագին դատաստա-
 նին՝ գոցէ ժամանակին . վասն զի
 առաւել քան բանիցն քարոզու-
 թեամբ՝ պարտ էր անձամբ ՚ի հա-
 լանութիւն զներքոյ կացեալն ա-
 ծել . զի ոչ այնպէս մարդիկ դիւ-
 րաւ յորդորմանէ բանիցն , որպէս
 յառաքինի դիմաց քարոզին . զօգ-
 տութիւն ընդունել սովին՝ նմանա-
 պէս և զապականութիւն վարուց .
 քանզի ազդողագոյն և ձգական է
 տեսիլ աչաց՝ քան զլուր ականջաց
 յերկաքանչիւրս գործելեացն և
 հրաժարելեաց :


Արդ այսքանեաց ՚ի զօրութենէ
 իրացն անուանց ստորակայից , զի
 զմնացելոցն լուռ եղէց , որչափ
 քրտանց և աշխատութեան իցեն

պէտք . և զհանրդ լուծաք և եղաք
 անգործ իբրեւ զմեռեալս . ոչ 'ի
 քանից խրատականաց և հրամանաց
 Աստուծոյ , և ոչ 'ի կենդանի օրի-
 նակաց հարցն սրբոց 'նախ եղէլոց'
 զարթուցեալ երբէք ընդոստեումք
 յարժանաւոր կոչմանս գործ : Խո-
 տորեցաք առհասարակ և հատաք
 յանախտանութիւն . քանզի աղան-
 համեալ և սրակասեալ 'ի բնաւորա-
 կան իւրմէն որակութենէ , չէ իմիք
 սխտանացու . ոչ յաղբ և ոչ յեր-
 կիր , ըստ տերունեան գրոյն . ո-
 ղում փառք և սլատիւ յաւիտեանս
 ամէն :



ԲԱՆՔ ԻՐԱՏՈՒ

ՈՒՍՈՒՄՆԱՍԻՐԱՅ



ԲԱՆՔ ԽՐԱՏՈՒ

ՈՒՍՈՒՄՆԱՍԻՐԱՅ



Գանձու իմաստութեան ոչ է
գտանել ումք գովեստ զուգական .
ըստ որում և ոչ ներհակ է յաղքա-
տութենէ , որպէս բնութիւն լինի ,
և ասականացու . ուրեմն աստուա-
ծային գոչով խոստովանեսցի՝ ոչ ա-
ռանց իրաւանց : Որոյ գիւտ , առա-
ռաջին՝ սաստկութիւն բաղձանաց .
երկրորդ՝ յարձակումն խորհրդա-
կան , ոչ վայրապար . երրորդ՝ ախ-
տից սատակումն , և օտարութիւն
մարմնոյ . չորրորդ՝ երկոց և քրր-
տանց յոչովութիւն , կամ ճշգրտե-
լով ասել՝ անբաւութիւն . որում
լծակցի հարկաւորապէս աշխատու-
թիւն և տոկ . հինգերորդ՝ տինա և

առաջին իսկ, երկիւղ տեառն : Եւ
 եթէ ոչ սոքօք պճնեսցի ոք, զի
 այսպէս ասացից, գործականին
 զայս վարկանելով շտեմարանել,
 սպասել և անսալ բաղբաղելով
 կարգի և ժամանակի, զնա և ոչ գէթ
 ճանաչել զերին զօրութիւն ասա-
 ցից. և յոյժ ուղղակի. վասն զի
 Յանձն չարարուեստ՝ իմաստութիւն
 ոչ մտանէ. իսկ առ պատրաստա-
 կանս բարւոյն, զուղղակի դարձեալ
 զկնի փորձ արկանելոյ՝ ուրախ առ-
 նէ պտղովն քաղցրութեան իւրոյ
 զաշխատասէր անվաստակ անձնն,
 յորում զաննենգն որսացաւ բարս,
 և զմարմին անմեղ, խուսել փախըս-
 տիւ ՚ի հակառակէն, ինքն սուրբ
 գոլով և մարդասէր, որ իմաստու-
 թեանն է հոգի :

Buchleinband von
JOSEF ERDMANN
BONN. Dottenendorferstr. 144